

四庫全書

經部

欽定四庫全書

經部

五禮通考卷六十九

詳校官侍郎_臣劉躍雲

給事中_臣溫常綬覆勘

總校官進士_臣繆琪

校對官中書_臣吳甸華

謄錄監生_臣沈侯

欽定四庫全書

五禮通考卷六十九

刑部尚書秦蕙田撰

吉禮六十九

宗廟制度

周禮天官典絲凡祭祀共黼畫組就之物

注以給衣服冕旒及依盟

巾之屬白與黑謂之黼采色一成曰就

疏言凡祭祀

者謂祭祀天地宗廟社稷山川之等故言凡以廣之云

共黼畫者凡祭服皆畫衣黼裳但裳繡須絲衣畫不須

絲而言共絲者大夫以上裳皆先染絲則玄衣亦須絲

為之乃畫故兼衣畫而言之也組就者謂以組為冕旒
之就故組就連言之云之物者謂絲之物色共之又曰
云以給衣服者經云共據王而言注云給據臣而言鄭
欲見尊卑皆授絲物也言衣服釋經黼畫但周之冕服
九章衣五章裳四章龍衮以下直言黼者據美者而言
謂若詩云玄衮及黼尚書云麻冕黼裳之類云冕旒者
釋經組就謂若弁師云十二就之等云及依者亦釋經
黼此據祭祀謂若掌次大旅上帝設皇邸邸即屏風為
黼文云盟巾者亦釋經黼謂若冢人職云王巾皆黼之
類云之屬者殯有加斧於椁上及綃黼丹朱之類也云
采色一成曰就者謂若典瑞云五采五就
弁師十二就之等皆是采色一成為就也

薛氏季宣曰天子之中曰黼巾位曰黼依無非黼也
天子佩白玉而玄組綬素絲組之良馬五之則馬與
佩亦用組也然祭祀之用絲者莫急于冕服黼畫則
其服也組綬則其冕也在衣而績在裳而黼黼之於

裳則黼矣此曰黼畫者周人以黼為尚耳謂曰玄衮及黼書曰麻冕黼裳此與絲之所以首黼畫也天子纁紵十有二就就成也曰組就者以組為就故典絲言良工者其致美乎黼冕之意歟

禮記月令季夏之月命婦官采黼黻文章必以法故

無或差貸

注婦官采人
也采五色

黑黃蒼赤莫不質良毋敢詐偽

注質正也良善也所用
采者當得真采正善也

以給郊廟祭祀之服

胡氏邦衡曰鄭謂后妃受內命婦獻繭非也據經云后妃獻繭則獻于王矣鄭又謂收外命婦繭稅案內宰職后妃率外內命婦蠶則繭稅亦內外均何必獨外命婦

仲秋之月乃命司服具飭衣裳文繡有恒制有小大度

有長短衣服有量必循其故冠帶有常

注謂祭服也文謂畫也祭服之

制畫衣而繡裳

疏

此云文繡又下文別云衣服有量

故鄭知此經謂祭服也

經云具飭衣裳飭謂正也言備

具正理衣裳云文謂畫也者以經文與繡相對祭服裳

繡而衣畫故以文為畫也云祭服之制畫衣而繡裳者

案尚書咎繇謨云予欲觀古人之象日月星辰山龍華

蟲作會是衣畫也宗彛藻火粉米黼黻絺繡是裳繡也

畫色輕故在衣以法天繡

色重故在裳以法地也

祭義遂朱綠之玄黃之以為黼黻文章服既成君服以

祀先王先公敬之至也

疏養蠶是婦人之事婦人不與外祭故云以祀先王先公

春秋桓公二年左氏傳衮冕黻珽

注衮畫衣也冕冠也黻韋鞶以蔽膝也珽

玉笏也若今吏之持簿疏畫衣謂畫龍於衣祭服玄衣練裳詩稱玄衮是玄衣而畫以衮龍衮之言卷也謂龍首卷然玉藻曰龍衮以祭知謂龍首卷也尚書益稷云帝曰予欲觀古人之象日月星辰山龍華蟲作繪宗彛藻火粉米黼黻絺繡言觀古人之象謂觀衣服所象日月以至黼黻十二物皆衣服之所有也華蟲以上言作會宗彛以下言絺繡則二者雖在於服而施之不同冬官考工記畫績與繡布采異次知在衣則畫之在裳則刺之故鄭玄禮注及詩箋皆云衣績而裳繡以此知衮是畫文故云衮畫衣也衮衣以下章數鄭玄注司服云有虞氏十二章自日月而下至周而日月星辰畫於旌旗又登龍於山登火於宗彛冕服自九章而下如鄭此言九章者龍一山二華蟲三火四宗彛五在衣藻六粉米七黼八黻九在裳鷩冕者去龍去山自華蟲而下

七章華蟲一火二宗彛三在衣餘四章在裳義冕者去華蟲去火五章自宗彛而下宗彛一藻二粉米三在衣餘二章在裳希冕者去宗彛去藻三章自粉米而下粉米一在衣餘二章在裳玄冕者其衣無畫裳上刺黻而已杜昭二十五年數九文不取宗彛則與鄭異也冠者首服之大名冕者冠中之別號故云冕冠也世本云黃帝作冕宋仲子云冕冠之有旒者禮文殘缺形制難詳周禮弁師掌王之五冕皆玄冕朱裏止言玄朱而已不言所用之物論語云麻冕禮也蓋以木為幹而用布衣之上玄下朱取天地之色其長短廣狹則經傳無文阮謚三禮圖漢禮器制度云冕制皆長尺六寸廣八寸天子以下皆同沈引董巴輿服志云廣七寸長尺二寸應劭漢官儀云廣七寸長八寸沈又云廣八寸長尺六寸者天子之冕廣七寸長尺二寸者諸侯之冕廣七寸長八寸者大夫之冕但古禮殘缺未知孰是故備載焉司馬彪漢書輿服志云孝明帝永平二年初詔有司采周

官禮記尚書之文制冕皆前員後方朱裏玄上前垂四寸後垂三寸天子白玉珠十二旒三公諸侯青玉珠七旒卿大夫黑玉珠五旒皆有前無後此則漢法耳古禮鄭玄注弁師云天子衮冕以五采繅前後各十二旒旒有五采玉十有二鷩冕前後九旒毳冕前後七旒希冕前後五旒玄冕前後三旒旒皆五采玉十有二上公衮冕三采繅前後九旒旒有三采玉九侯伯鷩冕三采繅前後七旒旒有三采玉七子男毳冕三采繅前後五旒旒有二采玉五孤卿以下皆二采繅二采玉其旒及玉各依命數耳謂之冕者冕俛也以其後高前下有俯仰之形故因名焉蓋以在上位者失於驕矜欲令位彌高而志彌下故制此服令貴者下賤也黻韞制同而名異鄭玄詩箋云芾太古蔽膝之象也冕服謂之芾其他服謂之韞以韋為之故云黻韞韞也詩云亦芾在股則芾是當股之衣故云以蔽膝也鄭玄易緯乾鑿度注云古者田漁而食因衣其皮先知蔽前後知蔽後後王易之

以布帛而獨存其蔽前者重古道而不忘本也是說黻
鞶之元由也禮記明堂位云有虞氏服黻言舜始作黻也
尊祭服而異其名耳未必先時始存象也知冕服謂之
黻也者易云朱紱方來利用享祀知他服謂之鞶者案
士冠禮士服皮弁玄端皆服鞶是他服謂之鞶以冕為
主非冕謂之他此欲以兩服相形故謂黻為鞶鞶之
與鞶祭服他服之異名耳其體制則同玉藻說玄端服
之鞶云鞶君朱大夫素士爵韋發首言鞶句末言韋明
皆以韋為之凡鞶皆象裳色言君朱大夫素則尊卑之
鞶直色別之而已無他飾也其蔽則有文飾焉明堂位
曰有虞氏服黻夏后氏山殷火周龍章鄭玄云黻冕服
之鞶也舜始作之以尊祭服禹湯至周增以畫文後王
彌飾也山取其仁可仰也火取其明也龍取其變化也
天子備焉諸侯火而下卿大夫山士黼韋而已是說黻
之飾也玉藻曰鞶下廣二尺上廣一尺長三尺其頸五
寸肩革帶博二寸鄭玄云頸五寸亦謂廣也頸中央肩

兩角皆上接革帶以繫之肩與革帶廣同是說韠之制也記傳更無蔽制皆是韠義明其制與韠同經傳作蔽或作韠或作芾音義同也徐廣車服儀制曰古者韠如今蔽膝戰國連兵以韠非兵飾去之漢明帝復制韠天子赤皮蔽膝蔽膝古韠也然則漢世蔽膝猶用赤皮魏晉以來用絳紗為之是其古今異也以其用絲故字或有為紱者天子之笏以玉為之故云玼玉笏也管子云天子執玉笏以朝日是有玉笏之文也禮之有笏者玉藻云凡有指畫於君前用笏造受命於君前則書於笏釋名曰笏忽也君有命則書其上備忽忘也或曰笏可以簿疏物也徐廣車服儀制曰古者貴賤皆執笏即今手板也然則笏與簿手板之異名耳蜀志稱秦宓見太守以簿擊頰則漢魏以來皆執手板故云若今吏之持簿玉藻云笏畢用也因飾焉言貴賤盡皆用笏因飾以示尊卑其上文云笏天子以球玉諸侯以象大夫以魚須文竹士竹本象可也鄭玄云球美玉也文猶飾也大

夫士飾竹以為笏不敢與君並用純物是其尊卑異也
大夫與士笏俱用竹大夫以魚須飾之士以象骨為飾
不敢純用一物所以下人君也用物既殊體制亦異玉
藻云天子搢珽方正於天下也諸侯荼前詘後直讓於
天子也大夫前詘後詘無所不讓也鄭玄以為謂之珽
珽之言珽然無所屈前後皆方正也荼謂舒懦所畏在
前也園殺其首屈于天子也大夫上有天子下有已君
故首末皆園前後皆讓是其形制異也其長則諸侯以
下與天子又異珽一名大圭周禮典瑞云王晉大圭以
朝日是也冬官考工記大圭長三尺天子服之是天子
之珽長三尺也玉藻云笏度二尺有六
寸短於天子蓋諸侯以下度分皆然也

帶裳幅舄

注帶革帶也衣下曰裳幅若今行膝也舄複履疏下有鞶是紳帶知此帶為革帶玉藻

革帶博二寸鄭云凡佩繫于革帶白虎通云男子有鞶革者示有金革之事然則示有革事故用革為帶帶為

佩也昭十二年傳云裳下之飾也經傳通例皆上衣下裳故云衣下曰裳幅與行滕今古之異名故云若今行滕詩云邪幅在下毛傳曰幅偁也所以自偁束也鄭箋云邪幅如今行滕也偁束其脛自足至膝滕訓緘也然則行而緘足故名行滕邪經束之故名邪幅烏者屨之小別鄭玄周禮屨人注云複下曰烏禪下曰屨然則烏之與屨下有禪複為異屨是總名故云烏複屨謂其複下也鄭玄又云天子諸侯吉事皆烏赤烏者冕服之烏白烏者皮弁之烏黑烏者玄端之烏其士皆著屨纁屨者爵弁之屨白屨者皮弁之屨黑屨者玄端之屨其卿大夫服冕者亦烏餘服則屨其王后禕衣玄烏褕狄青烏闕狄赤烏鞠衣黃屨展衣白屨褖衣黑屨其諸侯夫人及卿大夫之妻合衣狄者皆烏其餘皆屨其烏之飾用對方之色赤烏黑飾是也屨之飾用比方白屨黑也飾是

衡紃紃紃

注衡維持冠者就冠之垂者紃纓從下而上者紃冠上覆

疏此四物者皆冠之飾也周

禮追師掌王后之首服追衡筭鄭司農云衡維持冠者鄭玄云祭服有衡垂於副之兩旁當耳其下以紃縣瑱彼婦人首服有衡則男子首服亦然冠由此以得支立故云維持冠者追者治玉之名王后之衡以玉為之故追師掌之弁師掌王之五冕弁及冕皆用玉筭則天子之衡亦用玉其諸侯以下衡之所用則未聞紃者縣瑱之繩垂於冠之兩旁故云冠之垂者魯語敬姜曰王后親織玄紃則紃必織線為之若今之條繩鄭玄詩箋云充耳謂所以縣瑱者或名為紃織之人君五色臣則三色是也條必雜色而魯語獨言玄者以玄是天色故特言之非謂純玄色也紃纓皆以組為之所以結冠于元首也纓用兩組屬之于兩旁結之于頤下垂其餘也紃用一組從下屈而上屬之于兩旁垂其餘也紃纓同類以之相形故云紃纓從下而上者弁師掌王之五冕皆

玉笄朱紘祭義稱諸侯冕而青紘士冠禮稱緇布冠青組纓皮弁笄爵弁笄緇組紘鄭玄云有笄者屈組為紘垂為飾無笄者纓而結其條以其有笄者用紘力少故從下而上屬之無笄者用纓力多故從上而下結之冕弁皆有笄故用紘緇布冠無笄故用纓也魯語稱公侯夫人織紘紘知紘亦織而為之士冠禮言組纓組紘知天子諸侯之紘亦用組也紘冠上覆者冕以木為幹以玄布衣其上謂之紘論語尚書皆云麻冕知其當用布也弁師掌王之五冕皆玄冕知其色用玄也孔安國論語注言績麻三十升布以為冕即是紘也鄭玄玉藻注云延冕上覆也此云冠上覆者冠冕通名故此注衡及紘皆以冠言之其實悉冕飾也

昭其度也

注尊卑各有制度疏此上十二物者皆是明其制度哀伯思及則言無次第也鄭玄覲

禮注云上公衮無升龍天子有升龍有降龍是衮有度也冕則公自衮以下侯伯自鷩以下是冕有度也敝則

諸侯火以下卿大夫山是黻有度也珽則玉象不同長短亦異是珽有度也衮冕黻冕裳四章毳冕希冕裳二章是裳有度也鄭玄履人注云王吉服烏有三等赤烏為上冕服之烏下有白烏黑烏王后祭服烏有三等玄烏為上禕衣之烏下有青烏赤烏是烏有度也紃則人君五色臣則三色是紃有度也天子朱紃諸侯青紃是紃有度也其帶幅衡紃則無以言之傳言昭其度也明其尊卑各有制度

火龍黼黻

注火畫火也龍畫龍也白與黑謂之黼形若斧黑與青謂之黻兩已相戾疏考工記記

畫繪之事云火以圓鄭司農云為圓形似火也鄭玄云形如半環然又曰水以龍鄭玄云龍水物畫水者並畫龍是衣有畫火畫龍也白與黑謂之黼黑與青謂之黻考工記文也其言形若斧兩已相戾相傳為說孔安國虞書傳亦云黼若斧形黻為兩已相背是其舊說然也周世衮冕九章傳唯言火龍黼黻四章者略以明義故

文不具舉衣之所畫龍先于火
今火先于龍知其言不以次也

昭其文也

注以文章
明貴賤

國語魯語公父文伯母曰王后親織玄紃公侯之夫人
加之以紃紃卿之內子為大帶命婦成祭服列士之妻
加之以朝服自庶士以下皆衣其夫社而賦事烝而獻
功男女效績愆則有辟古之制也

注說云紃冠之垂前
後者昭謂紃所以懸

珥當耳者既織紃又加之以紃紃也冕曰紃紃纓之無
紃者也從下而上不結紃冕之上覆也卿之適妻曰內
子大帶緇帶也命婦大夫之妻也祭服玄衣纁裳列士
元士也既成祭服又加之以朝服也朝服天子之士皮

弁素積諸侯之士玄端委貌庶士下士也下士庶人社
春分祭社也事桑之屬也冬祭曰烝烝而獻五穀布帛
之功也續功
也辟罪也

孟子衣服不備不敢以祭

注衣服祭服 疏衣服無以
致備則不敢祭社稷宗廟

楊氏復儀禮旁通圖冕弁門

冕弁制度等降見於儀
禮周禮禮記者互有詳

畧鄭注賈疏又各有
得失今悉圖以見之

冕圖

几冕上玄下纁前後有旒低前一寸二分故取
其俛而謂之冕冕同而服異曰衮冕曰鷩冕曰

毳冕曰絺冕曰玄冕皆因服之異而名之耳
冕之制雖同而旒玉有多少等降亦不同也

王冕

大裘而冕
衮冕

鷩冕

毳冕

絺冕

玄冕

王祀昊

王享先

王享先

王祀四

王祭社

王祭羣

天上帝

王覲

王饗射

望山川

稷五祀

小祀

祀五帝

禮天子

亦如之

衮冕負

斧依注衮

衣者裨

之上也

績之繡

之為九

章衣衾
衣而冕
南鄉以
俛諸侯
見禮司
禮云王
注云王
受朝觀
於廟則
衾冕

司服掌王之五冕
今袞冕而上又有
大裘而冕則六冕
矣陳祥道曰司服
王祀昊天上帝則
服大裘而冕祀五
帝亦如之饗先王
則袞冕禮記曰郊
之祭王被袞以象
天戴冕藻十有二
旒則天數也鄭司
農曰大裘黑羊裘
服以祀天示質也
合周官禮記以考
之王之祀天內服
大裘外被龍袞龍

衾所以覆大裘也
蓋先王祀天以冬
至之日為主而裘
又服之本也故云
大裘以文之以扶
言之即是冕周禮
天官屨人凡四時
之祭祀以宜服之
則凡事上帝之祀
不必服大裘貴得
時之宜耳月令孟
冬天子始裘先儒
謂服大裘以祭地
祗非也

旒

冕十二旒

九旒

旒十

七旒

旒十

五旒

旒十

三旒

旒十

鄭云大
裘之冕
蓋十二
旒

以為即
衮服之
冕說見
前

旒十二玉
二玉纁玉
二玉纁玉
二玉纁玉
二玉纁玉

纁玉五采
五采
五采
五采
五采

聘疏曰五采每玉相去一寸就令也以一玉為一成
之使不相并也 弁師掌玉五冕皆玄冕朱裏延紐
五采纁玉十有二就皆五采玉十有二玉筭朱紼鄭氏
謂纁不言皆有 不皆者衮冕十二旒驚冕九旒毳冕
七旒絺冕五旒玄冕三旒也延冕之覆在上組小鼻
在武筭所貫也纁雜文之名也合五采絲為之繩垂
于延之前後朱紼以朱組為紼也紼一條屬兩端於
武蓋上玄為延下朱為裏約之以武設之以組貫之
以筭固之以紼

玉筭

服			
九章		朱紘	玉瑱
龍 山 華蟲 火 宗彝 畫衣為黼 藻 粉米		耳者塞	
華蟲 火 宗彝 衣 藻 粉米 黼 黻 裳			
宗彝 藻 粉米 衣 黼 黻 裳			
粉米 刺衣為畫 黼 黻 裳 陳云衣 亦畫也			
衣無文 裳刺黻 而已是 以謂玄 馬			
玄衣纁裳			
同上七章			
同上五章			
同上三章			
同上			

黼黻

刺裳為繡

案覲禮注

九章天子

有升龍對

降龍上公

袞無升龍

古天子冕服十二章周以星辰日月畫於旌旗所謂三辰旂旗昭其明也而冕服九章登龍於山登火於宗彝尊其神明也華蟲雉也亦曰鶡雉獸細毛也宗彝有虎雉之飾而義衣有宗彝之章故書謂之宗彝周禮謂之鶡冕虎取其義雉取其智鄭注今案周天子九章乃鄭氏一家之說云耳司服上公自袞冕而下侯伯自鶡冕而下大夫袞冕九章鶡冕七章上公既自袞冕而下則上而天子

當有十二章備日月星辰之象不言可知鄭說恐未可以為據也

執鎮圭搢大圭朝諸侯則執瑁圭

素帶朱裏終辟

朱韍

韍同裳色

佩白玉而玄組綬

赤舄

配冕服黑絢纁純

右王之五冕祭服朝覲會同大會皆用之此外于事之重者亦用之如王養老則冕而總干耕籍則冕而秉耒是也若天子以日視朝則弁而不冕

公侯伯子男冕服

上公衮冕	侯伯鷩冕	子男毳冕	<p>纁九就 前後九旒 纁三 玉纁三 采朱白 蒼賈疏 云公纁 玉同文 者唯有 一冕以 冠五服</p>
			<p>纁七就 前後七旒 玉纁三 采</p>
			<p>纁五就 前後各五旒 玉纁三 采</p>

上公自衮冕而下其服五侯伯自鷩冕而下其服四子男自毳冕而下其服三若助祭則隨事用之如王祭羣小祀玄冕則助祭者亦玄冕是也若朝王則各服其服如上公衮冕侯伯鷩冕是也又覲禮侯氏裨冕釋幣於禩注裨冕者衣裨衣而冕也裨之為言埤也天子六服大裘為上其餘為裨案注云天子大裘為上其餘為裨以此例推之上公衮冕為上其餘為裨侯伯鷩冕為上其餘為裨所謂侯氏裨冕釋幣于禩者謂用裨冕釋幣也又諸侯非二王後其餘皆玄冕而祭于已玉藻云諸侯玄端以祭注端當為冕字之誤也言用玄冕非用玄端也事之重者亦用之如諸侯冕而親迎是也若諸侯以日視朝則弁而不冕

雜附

公執桓圭 侯執信圭 伯執躬圭

子執穀璧 男執蒲璧

諸侯素帶終辟 不朱裏

朱韍

鄭氏釋斯干詩曰芾天子純朱諸侯黃朱又詩曰赤芾在股赤芾金

烏是也芾與韍同

佩山元玉而朱組綬

赤烏

詩曰赤烏几几玄冕赤烏赤芾金烏用公及諸侯冕服之烏也赤烏謂之金烏鄭氏謂金烏黃朱色也諸侯之芾亦黃朱則烏用黃朱宜也

王公卿大夫及諸侯孤卿大夫冕服

此下經無正文
皆先儒推說

王之三公王之孤卿王之大夫

鷩冕

毳冕

絺冕

繅八就

繅六就

繅四就

前後各

前後各

前後各

八旒旒

六旒旒

四旒旒

八玉

六玉

四玉

王之三公孤執皮帛大夫執鴈

盛執信圭卿執羔

公之孤

大國之卿

纁五如
王之
夫大

玄冕

纁三就

前後各

三旒旒

三玉

再命之大

夫

纁再就

一命之大

夫

纁一就

帶素帶辟垂

韍

再命赤韍三命赤韍公侯伯之卿三

命大夫再命而諸侯助祭聘王以絺冕玄冕纁裳故赤韍

佩水蒼玉而純組纁

公之孤執皮帛

大國之卿執羔

一命再命之大夫執

鴈

典命王之三公八命其卿六命其大夫四命及其出封皆加一等蓋八命加一等則是三公一命衮而衣服以九為節也其未出封則八命與侯伯同七章之服矣公與侯伯同七章之服則卿六命與子男同五章之服矣觀司服孤之服自絺冕而下如子男之服卿大夫自玄冕而下如孤之服公之孤四命而服三章之絺冕大國之卿三命大夫再命而服一章之玄冕則王之公卿大夫衣服各降命數一等可知玄自公之衮冕至大夫之玄冕皆其朝聘天子及助祭之服諸侯非二王後其餘皆玄冕而祭于已雜記曰大夫冕而祭于公弁而祭于已士弁而祭于公冠而祭于已大夫爵弁自祭家廟惟孤耳其餘皆玄冕與士同

弁圖

周禮弁師掌王之五冕三弁則冕弁同官也五冕已見前圖三弁別圖以見之但弁冕之制上得以兼下下不得以

兼上故三弁之服雖上下之通用而其用有不同今具其制於后

爵弁

韋弁

皮弁

冠弁

賈疏曰凡冕上玄下纁前後有旒低前一

服以韋弁

服以白鹿

注甸田獵

寸二分故為弁

服以韋弁

服以白鹿

也冠弁委

取其饒而禮司服

服以韋弁

服以白鹿

貌也亦曰

謂之冕其

服以韋弁

服以白鹿

服以白鹿

爵弁制大

服以韋弁

服以白鹿

服以白鹿

同雅為爵

服以韋弁

服以白鹿

服以白鹿

色而無旒

服以韋弁

服以白鹿

服以白鹿

弁師王之皮弁會五

又前後平
故不得為
冕用布弁
數取冠倍
之義朝服
十五升故
其冕為三
十升也

采玉璫象
邸玉笄
注會縫中
也縫中每
賈結五采
玉十二以
為飾謂之
璫詩云會
弁如星

陳祥道曰周禮有韋弁
無爵弁書二人崔弁儀
禮禮記有爵弁無韋弁
士之服止于爵弁而荀
卿曰士韋弁孔安國曰
崔韋弁也則爵弁即韋
弁耳又曰弁象古文形

則其制上銳如合手然
非如冕也韋其質也爵
其色也士冠禮再加皮
弁三加爵弁而以爵弁
為尊聘禮王卿贊禮服
皮弁及歸饗餼服韋弁
而以韋弁為敬黹色赤
爵色亦赤即一物耳
案司服兵事韋弁服陳
祥道云韋弁即爵弁豈
軍國並用之歟

服

爵弁冕之司服韋弁用布亦十
次餘衣皆以黹韋為五升其色
用布惟冕弁又以為白與冠同
與爵弁服衣裳春秋素積注

特牲冠端玄疏云下言玄者
玄冠有不玄端者不玄端則
朝服玄冠一冠冠兩服也朝
服十五升緇布衣而素裏但

用絲纁衣
纁裳

傳曰晉卻素積者以
至衣纁韋素為裳辟
之附注是積其腰中

也

司服注以

纁為韋衣

裳聘禮釋

謂纁布以

為衣而素

裳既曰纁

韋為衣又

曰纁布為

衣既曰纁

韋為裳又

曰素裳或

者軍國之

六人為玄七八為緇大判言
之緇衣亦名玄故云周人玄
衣而養老玄衣指朝服言之
鄭康成釋儀禮謂玄端即朝
服之衣易其裳耳此說不然
儀禮大夫筮日以朝服士筮
日以玄端冠禮主人朝服既
冠冠者服玄端雜記櫛禮自
西階受朝服自堂受玄端則
服與玄端異矣

容不同故也

朝服

素裳已見上文

玄端

玄端玄裳黃裳雜裳可也鄭注云上士玄裳中士黃裳下士雜裳玄端服君大夫士皆服之而裳則不同

爵弁緇帶

皮弁緇帶 朝服緇帶 玄端緇帶

玉藻士練帶率下辟士冠主人朝服緇帶冠者爵弁皮弁緇布冠皆緇帶則士帶皆練而皆飾以緇

爵弁黻韜

皮弁素韜 朝服素韜 玄端朱韜

韜同裳色

皮弁素積

朝服緇布

素韜爵韜

士冠禮

故素韜

衣而素裳

注韜韜緇

故亦素韜

數也爵弁

玉藻云君

纁裳故緇

士爵韜蓋

故緇赤黃

天子諸侯

之間色

玄端朱裳

故朱韜大

夫玄端素

裳故素韜

士玄裳黃
裳雜裳可
也故爵釋

士佩璫玟

同上

同上

同上

同上

玉而緼組

綬

爵弁纁屨

爵弁

韋弁

皮弁

朝服

玄端

白鳥

配皮弁服
青絢纁純

黑鳥

配冠弁服
赤絢纁純

素積白屨朝服白屨玄端白屨

士升而祭於聘禮君使卿

天子以視朝

天子以田司服

天子卒食玄

公冠而祭

韋弁歸饗

司服視朝則皮弁服

凡甸冠弁服

端以居玉藻

於已士以

饌

鄭注云天子與其臣

以燕羣臣

注云天子服玄端燕居

爵弁為上夕夫人使下

玄冕以視

以養老王制云周

居

故用以助

大夫禕弁

朔皮弁以視朝皆

人玄衣而養老注云

諸侯孤卿大

祭大夫爵

歸禮

君臣同服

天子燕服為諸侯朝

夫士之齊

弁而祭於王及諸侯卿

以宴詩曰側弁之俄

服又云凡養老之服

居司服其齊服有

已惟孤爾

大夫之兵

以聽郊報郊特

羣臣燕之皆具時與

玄端素端玄冠丹

士冠三加爵

服韋弁服軍容君臣同服

弁服

士昏主人爵

弁纁裳緇

施

士喪復者一

人以爵弁

服

牲祭之日
王皮弁以
聽祭報示
民嚴上也

以食玉藻皮弁以日

視朝遂以
食

以啟金縢之諸侯以日視

書書王與大夫盡

弁

以舞大夏明堂

服

天子之卿服

以從燕諸

侯

侯

朝王制注云天子

燕服為諸

侯朝服

玉藻云朝服以日祀

組纓諸侯
之齊冠也
玄冠綦組
纓士之齊
冠也

士祭以筮日

筮尸特牲筮日

主人冠端

玄有司羣

執事如主

人服筮尸

如求日之儀

又士喪陳衣

有爵弁服

天子哭諸侯

檀弓曰天

子之哭諸

侯也爵弁

經紵衣

位魯祀周
公以天子

之禮樂皮
弁素積裼

而舞
大夏

以勞

諸侯以聽朔

玉藻諸侯

皮弁以聽

朔于太廟

士冠禮

朝于
內朝

朝服以食
注朝

服以食所
以敬養身

諸侯不限畿

內畿外視

朝行道皆

服之

大夫士以為

私朝之服

玉藻朝玄
端

以事親
內則曰子

事父母端
韞紳搢笏

以擯相
南端章

為小相焉

士冠贊

者玄端

注云諸侯
與其臣皮
弁以視朔
朝服以日
視朝

朝君

諸侯之孤卿士冠
既冠易服服元冠元端以見卿大夫鄉先生

以卜夫人世

諸侯之臣與玄端齊服也
其君日視天子以為燕

婦使入於

朝之服服士以為祭

蠶室

大夫士以為服大夫士以

祭服

少牢禮筮

為私朝之服

以迎王之郊

勞

覲禮王使人皮

弁用璧勞

侯氏侯氏

亦皮弁迎

於帷門之

外

卿大夫以聘

於鄰國

聘禮

日主人朝服主人

或以事親或

朝服迎鼎厭祭迎尸

以擯相或既

以祭特牲饋食主

冠則服之以

人朝服

見鄉大夫鄉

士冠以筮日先生凡書傳

士冠筮日

所謂委貌者

主人朝服

尊著龜之道也

即此玄端委

貌也

貌也如晉侯

賓皮弁聘

以待聘賓還

玉聘禮君使卿皮

弁還玉於館

以卜宅

大夫卜宅

與葬日占者皮弁

大學以釋菜

學記大學始教皮弁

端委以入武

宮劉定公曰

吾端委以治

民臨諸侯晏

平仲端委以

立於虎門之

外是也則玄

端之所用為

祭菜示敬

道也

士冠

再
加皮

葬

薦乘車載
皮弁服

弔

喪服小記
諸侯弔必

皮弁
錫衰

大蜡

郊特牲
大蜡皮

弁素服葛

帶榛杖以

送終

尤多矣

此外又

有二條

玄端而冕

天子

之齊服玄
端而冕武

王齊三日
端冕以奉

丹書荀子
曰端衣玄

裳冕而乘

輅者志不

在于茹韋以齊之時故不茹韋也自諸侯以下其制則玄冠玄端而以組纓殊色為尊卑之別所謂玄冠丹組纓玄冠綦組纓是也天子諸侯大夫齊祭異冠士齊祭同

冠

玄端而緇布

冠士冠始加

緇布冠服

玄端玉

藻云玄冠

朱組纓天

子之冠也

緇布冠續

緇諸侯之

冠也鄭氏

曰皆始冠

之冠禮始

冠緇布冠

自諸侯下
達則諸侯
所以異于
大夫士者
纁綌耳天
子始冠不
以緇布而
以玄冠
詳見士冠
禮

爵弁重於皮弁

士冠禮再加皮弁三加
爵弁而以爵弁為尊

韋弁重於皮弁

聘禮主卿贊禮服皮弁及歸
饗餼服韋弁而以韋弁為敬

皮弁重於朝服

天子皮弁以日視朝
諸侯朝服以日視朝

朝服重於玄端

特牲士祭禮筮日服玄端及祭而朝
服少牢大夫祭禮筮日及祭皆朝服

朱先生曰不學雜服不能安禮鄭注謂服是皮弁冕
服之類古人服各有等降若理會得雜服則於禮亦
思過半矣且如冕服是天子祭服皮弁是天子朝服

諸侯助祭於天子則服冕服自祭于其廟則服玄冕
大夫助祭於諸侯則服玄冕自祭于其廟則服皮弁
又如天子常服則服皮弁朔旦則服玄冕諸侯常朝
則用玄端朔旦則服皮弁大夫常朝亦用玄端夕深
衣士則玄端以祭上士玄裳中士黃裳下士雜裳前
後黃庶人深衣今案所引禮服惟諸侯常朝則服玄
也朝非用玄端也玄端天子燕服諸侯以為齊服大夫
士以為私朝之服非諸侯視朝之服恐語錄傳寫之
誤也

內司服圖

王吉服九后吉服六王之服九而祭服六后之服六而祭服三以婦人不預天地山川社稷之祭故也王之服衣裳之色異后之服連衣裳而其色同以婦人之德本末純一故也王之服禪而無裏后之服裏而不禪以陽成于奇陰成于耦故也

禕衣

揄狄

闕狄

鞠衣

展衣

緣衣

從王祭

從王祭

從王祭

蠶則服

以禮見

燕居及

先王則

先公則

羣小祀

鞠衣居鞠

王及賓

御於王

服禕衣

服揄狄

則服闕

六反鞠衣黃桑

客服展

服緣衣

褱音暉 即輦也	揄音遙 即揄也	狄闕狄 禮記	服也色 如鞠塵	衣展張 彥反	爾雅曰 赤緣謂
爾雅曰 伊雒而	江淮而 南青質	謂之屈 狄闕與	象桑葉 始生月	當為禮 檀之為	之祿內 司服言
南素質 五色皆	五色皆 備成章	屈聲相 近陳祥	令三月 薦鞠衣	言實誠 也檀聲	緣衣玉 藻言祿
備成章 曰輦	曰搖狄 當為翟	道云其 制屈於	于上帝 告桑事	與展相 近詩云	喪服襲 言祿衣
詩云玼 兮玼兮	已 褱揄而	玼兮玼 兮其之	復言稅 衣則緣	祿稅同 實而異	名也子 羔之襲
名	也翟雉	展也	稅衣纁 衲曾子	內司服鄭注褱揄二翟刻繒為之 形而采畫之綴于衣以為文章褱	

衣畫罩者揄狄畫搖者闕翟刻而不畫陳祥道云三翟蓋皆畫之於衣如王冕服

色玄

色青

色赤

色黃

色白

色黑

識之曰不襲婦服蓋丈夫祿衣緣以黑婦人緣以纁

裏素沙

注今之白縹也六服皆袍制以白縹為裏使之張顯今世有沙縠者出名于此

裳連衣裳

注婦人尚專一德無所兼連衣裳不異其色

首副

副

副

編

編

次

以副配

禕禮夫

人副禕

立於東

房是也

三翟首服

覆所以覆

首為之飾

以副配翟詩副笄

六珈其之翟也是

也

鞠衣展衣首服編

編編列髮為之其

遺像若今之假髻

祿衣者

服次次

次第髮

長短為

之所謂

髮髻也

衡

周禮追師追衡笄注追猶治也

詩云追琢其章王后之衡笄皆

以玉為之惟祭服有衡垂于副

之兩旁當耳其下以紃縣瑱紃

所以縣瑱當耳者也詩云玉之

瑱也

唯王后祭服有衡

若編次則無衡

笄

以玉為之笄今之簪王后燕居亦纚笄總而已

烏元烏

黃絢總純

青烏

白絢總純

赤烏

黑絢總純

黃屨

白絢總純

白屨

黑絢總純

黑屨

青絢總純

復下曰烏禪下曰屨禕衣玄故玄烏配禕衣青烏以下以此推之玄黃青白赤黑對方為績次青赤白黑黑青比方為繡次而冠禮黑屨青絢總純白屨緇絢總純皆比方之色特爵弁纁屨黑絢總純蓋尊祭服之屨故飾從對方之色則凡烏之飾如績次屨之飾如繡次可也拘謂之絢者烏屨之頭以為行戒總縫中紉純緣也后之吉服六而烏屨各三占者衣象裘色繹象裳色士冠三屨皆象其裳之色則王及后之烏屨各象其裳之色可知也

三夫人

九嬪

世婦

女御

內

玉藻夫人掄狄鄭注夫人三夫人又內司

自鞠衣而下

自展衣而下

五禮通考

三八

婦命

服辨外內命婦之服
鄭注云三夫人及公
之妻其闕狄以下乎
二說不同

烏

命履黃

功履白

功履黑

公之妻

鄭注公之妻其闕狄
以下乎陳祥道云王
制言三公一命卷則
三公在朝驚冕其妻
揄狄可知

其夫孤
也則服
鞠衣

其夫卿
大夫也
則服展
衣

其夫士
也則服
緣衣

烏青

命屨黃

功屨白

功屨黑

二王後夫侯伯之夫子男之夫

人用褱衣人揄狄人闕狄

禮記夫

人副褱

立于東

房明堂

位言魯

侯得用

袞冕則

夫人副

褱可知

也

諸侯之臣之妻其服經無明文
玉藻云君命屈狄再命褱衣一
命褱衣士緣衣注云此子男之
夫人及其卿大夫士之妻命服
也褱當為鞠字之誤也君女君
也謂子男之夫人屈狄也子男
之卿再命而妻鞠衣一命之妻
褱衣士之妻緣衣又曰諸侯之
臣皆分為三等其妻以次受此
服也公之臣孤為上卿大夫次
之士次之侯伯子男之臣卿為
上大夫次之士次之

烏元

烏青

烏赤

展衣

緣衣

被錫衣侈主婦纓笄

袂少牢禮主婦被宵衣立於

錫衣侈袂房中禮注

主婦贊者宵綺

一人亦被屬此衣

錫衣侈服染以黑其

鄭注被錫繒本名曰

讀為髮鬢宵鄭注內

此周禮所司服云男

謂次也特子之緣衣

牲禮主婦黑則宵衣
纁笄宵衣亦黑也
此不纁笄今案注以
者大夫妻宵衣為祿
尊故也亦衣未知然
衣綃衣而否
侈具袂耳
士妻之袂
女次純衣
二尺二寸
纁袖士昏
祛尺二寸
纁袖禮女
三分侈者次純衣纁
蓋半士妻衽立于房
之袂以益中南面注
之三分益純衣綠衣
一故三尺也曾子譏
三寸祛尺子羔襲稅

八寸也
今案大夫
妻服展衣
首服編少
牢乃大夫
禮主婦不
服編展衣
乃被錫衣
侈袂者鄭
氏謂外命
婦惟王祭
祀賓客以
禮佐后得
服此上服
自於其家
則降焉未
笄今時簪
衣纁衽者
則緣衣也
姆纁笄宵
衣在其右
士昏禮女
次純衣姆
纁笄宵衣
特牲禮主
婦纁笄宵
衣則副編
次之下纁
笄其飾也
纁縮髮者

知然否今也士姆纓
去古益遠笄亦攝盛
副編次之也姆亦玄
制不復得衣以綃為
見其詳鄭領也詩云
注以少牢素衣朱纁
被褐當周又云素衣
禮首服次朱褌爾雅
未敢以為釋器云黼
必然也領謂之褌

纁既為領
明朱纁亦
領可知
今案特牲
禮云主婦
纓笄宵衣

鄭注以宵
為衣此纚
笄宵衣鄭
注以宵為
領二說抵
牾

女從者畢

袵玄

女從者謂

姪娣也論

語曲禮皆

曰袵締綌

孟子曰被

袵衣則袵

設飾也袵

玄者設飾以玄也
今案上文女純衣注云祿衣下文姆纁笄宵衣注云母亦玄衣此女從者卑祲玄如疏家所說祿也宵也玄也皆為異色

惠田案古聖人惡衣服而致美乎黻冕孔子酌四代禮樂而曰服周之冕祭服之重也尚矣虞書予欲觀古人之象日月星辰山龍華蟲作繪宗彙藻火粉米黼黻絺繡以五采彰施於五色作服傳云六者繪之於衣六者繡之於裳所謂十二章也王制有虞氏皇而祭夏后氏皐而祭殷人收而祭周人冕而祭疏以為皇畫鳳羽飾之皐名出於𤑔𤑔覆也所

以自覆飾也收言所以收斂髮也冕俯也後
高前下有俯仰之形故因名焉周禮王有六
服五冕春官司服祀昊天上帝則服大裘而
冕祀五帝亦如之享先王則衮冕享先公則
鷩冕祀四望山川則毳冕祭社稷五祀則希
冕祭羣小祀則玄冕先鄭云大裘羔裘衮卷
龍衣鷩裨衣毳黼衣後鄭云鷩畫以雉毳畫
虎雉希刺粉米無畫玄者衣無文裳刺黼而

已凡冕服皆玄衣纁裳六服同冕疏云冕名雖同其旒數則有異但冕名同耳案冕服有六而弁師止言五冕者大裘襲衮與衮同一冕故服六而冕五也其章數則鄭氏以為虞十二章周則九章以日月星辰畫於旌旒衮九章衣五章裳四章也鷩七章衣三章裳四章也毳五章衣三章裳二章也希三章衣一章裳二章也玄一章衣無文裳刺黻而已然

鄭氏周九章之說諸儒並以為不然楊信齋
曰公之服衮冕而下推而上之則天子之服
有日月星辰之章可知君臣同衮畧無區別
必無是理此不待旁引別證而知鄭說之非
矣自上古至於周天子仰則之數路十二就
常十二旂馬十二閑圭尺二寸纁十二旒冕
服之章莫不皆然劉執中曰交龍為旂周之
衣不去其龍矣熊虎為旗周之裳不去其虎

雖矣何獨日月為常而去衣章日月星辰乎
林少穎曰郊特牲云祭之日王被袞以象天
則十二章備鄭以為魯禮豈有周制九章魯
乃加以十二章理乎案據諸家說則周袞十
二章明矣差次以降則鷩當九章毳當七章
絺當五章玄當三章又明矣而曾子問諸侯
裨冕覲禮侯氏裨冕先鄭以為鷩冕後鄭以
為自袞以下皆為裨衣則先鄭是而後鄭非

而凡畫雉畫虎雖之說皆不然矣其冕之制則夏官弁師所掌之五冕皆玄冕朱裏延紐五采纁十有二就皆五采玉十有二玉筭朱紃據注疏括其說冕以板為體廣八寸長尺六寸延以三十升麻布染為玄朱二色冒於板上下上玄下朱紐以組為鼻綴於冕旁武上以貫筭者五采朱白蒼黃玄也纁謂以朱絲為雜文之繩綴於延之前後以貫玉者各

十二條也就成也以一玉為一成結之使不相并也五采玉十有二謂琢五采玉為珠貫之于纁每纁皆玉十有二也每玉間相去一寸則纁長尺二寸筭簪也貫於紐之鼻孔使得牢固纁冕之系以朱組為之繫於武之兩旁下結於項垂之以為纓所以固冕也玉藻天子玉藻十有二旒前後邃延言十二旒在前後垂而深邃以延覆冕上也左傳臧哀伯

云衡統紃紃衡注云維持冠者疏云天子以玉為之案追師首服有衡筭衡與筭一類但長短不同耳統即縹紃即纓紃即上覆之紃也國語敬姜云公侯之夫人織紃紃即此紃也其旒玉之數則鄭注弁師云衮衣之冕十二旒用玉二百八十八鷩衣之冕九旒用玉二百一十六毳衣之冕七旒用玉六十八希衣之冕五旒用玉百二十玄衣之冕三旒

用玉七十二案此以每旒玉十二合前後數之旒數如此則章數必相準可知則鄭釋弁師是而釋司服非也其王以下之冕服則司服云公之服自衮冕而下如王之服侯伯之服自鷩冕而下如公之服子男之服自毳冕而下如侯伯之服孤之服自希冕而下如子男之服卿大夫之服自玄冕而下如孤之服疏云上得兼下下不得僭上也案諸侯於天

子降殺以兩上公雖與天子同衮冕而服止
九章冕止九旒三采九玉以此推之則侯伯
鷩冕者服七章冕七旒三采七玉子男毳冕
者服五章冕五旒二采五玉孤絺冕者服三
章冕三旒二采三玉卿大夫玄冕者服一章
冕無旒玉天子五冕旒數減而玉數不減諸
侯五冕旒數減而玉數亦減則同之中有不
同者在也又案諸侯之服其章數皆依命數

而侯國諸臣之服不隨命數為章數故孤四命而希冕三章卿大夫有三命再命之異而玄冕一章則同服也再命乃受服子男之大夫一命其士不命公侯伯之士一命俱未受冕服而服皮弁其色如爵所謂爵弁也然則王朝諸臣之服經雖不見以義推之其出封皆加一等以四命之孤而服三章之希冕例推之則王之三公八命必服七章之鷩冕卿

六命服五章之毳冕大夫四命服三章之希
冕士之三命再命同服一章之玄冕可知一
命之士未受服者則但服爵弁而鄭康成王
昭明乃為八旒六旒四旒二旒諸服之說抑
鑿矣其后之服有六而祭則三天宮內司服
掌王后之六服褱衣揄狄闕狄鞠衣展衣緣
衣據注疏狄當為翟從王祭先王服褱衣畫
翠雉者其色玄祭先公服揄翟畫搖雉者其

色青祭羣小祀服闕翟刻繒為翟不畫者其
色赤三者皆祭服鞠衣黃躬桑之服展衣白
以禮見王及賓客之服展又作襢義取誠也
緣衣黑御於王之服緣又為祿其后以下之
服唯二王後及魯夫人得服褱衣明堂位夫
人副褱立於房中祭統夫人副褱立於東房
是也侯伯夫人服揄狄以下玉藻夫人揄狄
是也詩玼兮玼兮其之翟也傳謂揄翟闕翟

是也三夫人子男夫人及公之妻服闕狄玉藻君命屈狄是也內司服又云辨外內命婦之服鞠衣展衣緣衣注內命婦九嬪鞠衣世婦展衣御女緣衣外命婦孤之妻鞠衣卿大夫之妻展衣士之妻緣衣玉藻再命鞠衣一命禮衣士緣衣案此一命再命言自士緣衣而上加之命服一加為禮衣再加為鞠衣鄭以為子男之卿再命而妻服鞠衣者非也又

案侯伯夫人得服揄狄而王朝之三公之夫
人止服闕狄以近尊而降也蓋亦如公卿大
夫之服其出封皆加一等矣其后之首服有
三曰副曰編曰次天官追師掌王后之首飾
為副編次追衡笄案副編次皆用髮為之三
翟皆以副配副為首飾之上而名副者以髮
加髻有貳並之義故名副也用以配褱衣故
記言夫人副褱立東房又以詩副笄六珈推

之諸侯夫人揄狄而首服用副故先儒謂揄狄闕狄皆以副配也編次舊說編列髮為之以配鞠衣展衣次次第髮長短為之以配祿衣追王昭明謂以纁作髻如堆特牲禮所謂主婦纁笄宵衣士昏禮女次純衣姆亦纁笄宵衣女從者畢袵玄纁笄康成云王后之燕居亦纁笄是也衡笄皆所以固髮者長大者為衡短小者為笄王后之衡笄皆以玉為之

唯祭服有衡橫貫副上兩旁以紃懸瑱大夫
士之妻用骨角但士冠禮有設纚設笄之文
左傳有衡紃紃紃之語則追衡笄三者男子
亦有之其與婦人異同之制則不可考耳其
王及后之屨則天官屨人掌王及后之服屨
為赤舄黑舄赤纁黃纁青絢素屨葛屨據注
疏複底曰舄禪底曰屨舄屨有纁有絢有純
者飾也纁牙底相接之縫綴絛於其中絢謂

屨頭以絛為鼻純謂以絛為口緣士冠禮三冠各有絛纁純此不言純者文略也天子吉服有九而烏三等赤白黑冕服有六皆同赤烏詩云王錫韓侯玄衮赤烏則諸侯與王同后吉服六唯祭服有烏禕衣玄烏揄狄青烏闕狄赤烏鞠衣黃屨展衣白屨緣衣黑屨凡烏屨皆象裳色案以上王三后六之說諸儒皆非之以為經文所無而鄭添之經言禮服

之屨王用赤舄以象陽后用黑舄以象陰赤舄亦纁陽純故也黑舄黃纁陰雜故也二者同用赤色為絢素屨燕居之屨無纁絢文采之飾葛屨當暑王后皆用之說似直捷其王后以下有內外命夫婦之命屨功屨散屨蓋命屨亦赤黑二色功屨加功飾散屨不用功飾皆常御之屨也其散與鞞制同而名異散一作茀一作紱一作鞞音義並同鄭氏詩箋

云芾蔽膝也以韋為之詩云赤芾在股則芾
是當股之衣故云以蔽膝也冕服者謂之芾
易云朱黻方來利用享祀論語云致美乎黻
冕是也他服者謂之韠士冠禮士服皮弁玄
端皆服韠是也易緝乾鑿度鄭注云古者田
漁而食因衣其皮先知蔽前後知蔽後後王
易之以布帛而獨存其蔽前者重古而不忘
本也是說蔽韠之緣起也玉藻說玄端之韠

云韠君朱大夫素士爵韋發首言韠而未言
韋明皆以韋為之凡韠皆象裳色言君朱大
夫素直色別之而已無他飾也其黻則有文
飾焉明堂位曰有虞氏服黻夏后氏山殷火
周龍章鄭云黻冕服之韠也舜始作之以尊
祭服禹湯至周增以畫文後王彌飾也山取
其仁可仰也火取其明也龍取其變化也天
子備焉諸侯火而下卿大夫山士黻韋而已

是說鞞之飾也玉藻曰鞞下廣二尺上廣一尺長三尺其頸五寸肩革帶博二寸鄭云頸五寸亦謂廣也頸中央肩兩角皆上接革帶以繫之肩與革帶廣同是說鞞之制也玉藻一命緼鞞幽衡再命赤鞞幽衡三命赤鞞蔥衡韁赤黃之間色衡佩玉之衡幽讀為黝青黑色蔥則青之異色士冠禮爵弁鞞鞞鞞即緼鞞未命稱鞞一命稱緼鞞其實一也

是說鞞之等差也帶有革帶皆謂之
鞞大帶合帛為之繚於腰者為鞞垂於前者
為紳長三尺記子游曰三分帶下紳居二焉
人長八尺大帶之下四尺五寸三分之紳居
二則三尺也交結之處有組以組貫而約之
曰結約組廣三寸垂其餘亦三尺玉藻紳鞞
結三齊是也大帶廣四寸大夫以上同之紳
長三尺士以上同之則天子諸侯可知也惟

士帶博二寸有司紳長二尺五寸降殺之別也其色天子素帶君朱綠大夫玄華士緇素謂不加績畫先儒謂白色者非也禮書謂天子體陽而兼乎下故朱裏而裨以朱緣諸侯雖體陽而不兼乎上故飾以朱綠而不朱裏大夫體陰而有文故飾以玄華士則體陰而已故飾以緇也凡帶有率無箴功率繹也謂縫合之也箴功謂刺繡也天子終辟注謂辟

為裨禮書釋為辟積皆未確陳氏澔訓為緣者近是終辟則竟帶之身緣之大夫辟垂士練帶辟下以辟緣之長短為等差也束帶之法下毋厭髀上無厭脅當無骨者先革帶後加大帶革帶以繫佩而笏搢於二帶之間革帶博二寸有鈎牒無紳是朝祭所同也佩用玉天子以白公侯以山玄大夫以水蒼世子以瑜士以璊玟白玉玉之最上者山玄似山


之玄水蒼似水之蒼皆言其文相似瑜亦美
玉璫玢則近石矣是玉貴賤之等也其佩之
制上有雙衡下有雙璜中有衝牙間以琚瑀
貫之以組綬衡亦名珩似磬而小兩端繫組
組半懸琚組末有璜璜形如半璧衡之中組
半懸一玉名瑀末懸衝牙組皆間以螭珠又
以二組交貫於瑀而繫於璜上屬於衡以維
之動則衝牙前後觸璜而聲出焉其聲則右

中徵角左中宮羽徵角陽也為事為民宮羽
陰也為君為物右陰佩而取陽左陽佩而取
陰動靜互根也趨以采齊行以肆夏比於樂
而養其和也周旋中規折還中矩比於禮而
著其節也其綬之色天子玄公侯朱大夫純
世子綦士緼以純雜分尊卑也綬以名璲以
其貫瑞玉也亦名璲以其相迎受也古者君
子比德於玉是以天子公侯大夫士皆有佩

玉尚德也故曰德佩至於君在與齋則結佩喪則去佩或避尊或專志或申哀是又佩之變禮也經傳服飾之制信齋楊氏最為詳核考正注疏先儒之誤大端有六如大裘加袞一也祭地不服大裘二也天子袞冕周十二章三也旒王之數天子皆十二四也爵弁及韋弁與冕不同五也玄端非朝服六也今載此圖以備考而楊氏所未及者并附著於後

以俟論禮者質焉

右服飾總



五禮通考卷六十九

欽定四庫全書

經部

五禮通考卷七十

詳校官侍郎

臣

劉躍雲

給事中

臣溫常綬

奏

總校官進士

臣繆琪

校對官中書

臣吳甸華

謄錄監生

臣朱紱

紱

欽定四庫全書

五禮通考卷七十

刑部尚書秦蕙田撰

吉禮七十

宗廟制度

禮記明堂位土鼓蕡桴韋籥伊耆氏之樂也注蕡當為由籥如笛

三孔伊耆氏古天子有天下之號也今有姓伊耆氏者疏說者以伊耆氏為神農

禮運蕡桴而土鼓猶若可以致其敬于鬼神注由塤也謂搏土為

桴也土鼓築
土為鼓也

蕙田案此上古享祭之樂

書益稷夔曰憂擊鳴球搏拊琴瑟以詠祖考來格虞賓
在位羣后德讓下管鼗鼓合止祝敔笙鏞以間鳥獸蹌

蹌蕭韶九成鳳凰來儀

傳此舜廟堂之樂故以祖考來至明之丹朱為王者後故稱賓

言與諸侯助祭班爵同推先有德下管堂下樂也上下合止樂各有祝敔明球弦鐘磬各自互見鏞大鐘間迭也吹笙擊鐘鳥獸化德相率而舞蹌蹌然韶舜樂名言蕭見細器之備鳳凰靈鳥也儀有容儀備樂九奏而鼓非樂器也故以憂擊為祝敔樂之初擊祝以作之樂之

將末憂敵以止之故云所以作止樂雙解之搏拊形如
鼓以韋為之實之以糠擊之以節樂鳴球謂擊球使鳴
商頌云依我磬聲鄭玄云磬懸也而以合堂上之樂五
磬和尊之也此舜廟堂之樂謂廟內堂上之樂言祖考
來格知在廟內下云下管知此在堂上也此經文次以
祝敵是樂之始終故先言憂擊其球與搏拊琴瑟皆當
彈擊故使鳴冠于球上使下共蒙之也鄭玄以憂擊鳴
球三者皆總下樂搏擊此四器也樂器唯祝敵當搏耳
鄭言非也經言下管知是堂下樂也敵當憂之祝當擊
之上言憂擊此言祝敵其事是一故云上下合止樂各
有祝敵也言堂下堂上合樂各以祝止樂各以敵也上
言作用此言器名兩相備也上下皆有祝敵兩見其文
明球弦鐘簫上下樂器不同各自更互見也弦謂琴瑟
鐘鏞也簫管也琴瑟在堂鐘鏞在庭上下之器各別不
得兩見其名各自更互見之依大射禮鐘磬在庭今鳴
球于廟堂之上者案郊特牲云歌者在上貴人聲也左

傳云歌鐘二肆則堂上有鐘明矣磬亦在堂上故漢魏以來登歌皆有鐘磬燕禮大射堂上無鐘磬者諸侯樂不備也間代也孫炎曰間廁之代也釋言云遞迭也李廵曰遞者更迭間廁相代之義故間為迭也吹笙擊鐘更迭而作鳥獸化德相率而舞蹌蹌然下云百獸率舞知此蹌蹌然亦是舞也韶是舜樂經傳多矣但餘文不言簫簫乃樂器非樂名簫是器之小者言簫見細器之備謂作樂之時大小之器皆備也成謂樂曲成也鄭云成猶終也每曲一終必變更奏故經言九成傳言九奏周禮謂之九變其實一也樂之作也依上下遞奏間合而後曲成神物之來上下共致非堂上堂下別有所感以祖考尊神配堂上之樂鳥獸賤物故配堂下之樂總上下之樂言九成致鳳尊異靈瑞故別言耳非堂上之樂獨致神來堂下之樂偏令獸舞也

蔡傳憂擊攷擊也鳴球玉磬名也搏至拊循也樂之

始作升歌于堂上則堂上之樂惟取其聲之輕清者
與人聲相比故曰以詠蓋曼擊鳴球搏拊琴瑟以合
詠歌之聲也下堂下之樂也管猶周禮所謂陰竹之
管孤竹之管孫竹之管也鏞大鐘也葉氏曰鐘與笙
相應者曰笙鐘與歌相應者曰頌鐘頌或謂之鏞詩
賁鼓維鏞是也頌鐘即鏞鐘也上言以詠此言以間
相對而言蓋與詠歌遞奏也簫古文作箭舞者所執
之物說文云樂名箭韶者季札觀周樂見舞箭韶蓋

舜樂之總名也。今文作簫。故先儒以簫管釋之。九成者樂之九成也。功以九叙。故樂以九成。戛擊鳴球。搏拊琴瑟。以詠堂上之樂也。下管鼗鼓。合止祝敔。笙鏞以間。堂下之樂也。或曰笙之形如鳥翼。鏞之虞為獸形。故于笙鏞以間言鳥獸。蹌蹌風俗。通曰舜作簫笙。以象鳳。蓋因其形聲之似。以狀其聲之和。豈真有鳥獸鳳凰而蹌蹌來儀者乎。曰是未知聲樂感通之妙也。瓠巴鼓瑟而游魚出聽。伯牙鼓琴而六馬仰秣。聲

之致祥召物見于傳者多矣況舜之德致和于上變
之樂召和于下其格神舞鳥獸豈足疑哉今案季札
觀周樂見舞韶箭者曰德至矣大矣如天之無不覆
如地之無不載雖甚盛德蔑以加矣夫韶樂之奏幽
而感神則祖考來格明而感人則羣后德讓微而感
物則鳳儀獸舞原其所以感召如此者皆由舜之德
如天地之無不覆燾也其樂之傳歷千餘載孔子聞
之于齊尚且三月不知肉味曰不圖為樂之至于斯

則當時感召從可知矣

蕙田案孔傳訓憂擊為祝啟謂堂上堂下各有祝啟以止作樂此恐未是不如從蔡傳訓攷擊為長鑪大鐘孔疏說是蔡傳謂頌鐘即鑪鐘非也頌鐘亦編擊之設于西方者非大鐘也

林氏之奇曰享禮曰升歌清廟示德也下管象武示事也燕禮曰升歌鹿鳴下管新宮蓋堂上之樂以歌為主堂下之樂以管為主其實相合以成

陳氏櫟曰郊特牲曰歌者在土匏竹在下貴人聲也即此說以證此章與儀禮皆無不合古文簡質下之一字別管鼗鼓為堂下之樂顯見鳴球琴瑟為堂上之樂矣奏石絲以詠歌之時則堂下之樂不作奏匏竹等衆樂之時則堂上之樂不作以今奏樂例之亦如此耳

李氏光地曰憂擊搏拊古注皆以為樂器之名惟沈括以屬于鳴球琴瑟而為作樂之義于理為優據儀禮作樂凡四節升歌一也笙入二也間歌三也合樂四也蓋堂上之樂工鼓琴瑟而歌堂下之樂或主笙或主管各以所宜故曰歌者在土匏竹在下匏竹即

笙管之謂也上下迭作則謂之間上下並作則謂之合準此以求則屢擊鳴球搏拊琴瑟以詠升歌之樂也下管鼗鼓合止祝敔下管之樂也笙鏞以間間歌之樂也簫韶九成合作之樂也蓋鐘與笙相應者曰笙鐘與歌相應者曰鏞鐘今曰笙鏞以間則為歌笙迭作明矣合樂之時則舞入故春秋傳曰見舞韶箭者然則簫韶九成之為合樂又明矣此舜享于宗廟之樂也

蕙田案廟享之樂始見于虞書其次第節奏
惟儀禮可考而知也陳氏李氏說最為明晰
可為論廟樂之準則矣

觀承案笙鏞以間乃間歌之樂也鍾之與笙
相應者曰笙鐘與歌相應者曰鏞鍾今曰笙
鏞以間明是歌吹迭作故堂上之歌與堂下
之笙相間則鏞鍾即是頌鍾乃編懸之鍾而
非大鍾矣蓋頌與鏞古字通也似仍以蔡傳

說為是

右虞廟享之樂

禮記郊特牲饗禘有樂而食嘗無樂陰陽之義也凡飲養陽氣也凡食養陰氣也故春禘而秋嘗春饗孤子秋食耆老其義一也而食嘗無樂飲養陽氣也故有樂食

養陰氣也故無聲凡聲陽也

注其義一也亦義同而或用樂或不用樂也此禘當

為禘字之誤也王制曰春禘秋嘗食嘗有樂無樂之異享謂春享孤子禘謂春祭宗廟以其在陽時故有樂食謂秋食耆老嘗謂秋嘗宗廟以其在陰時故無樂無樂為陰有樂為陽此陰陽之義也享

禘在春為陽食嘗在秋為陰禘之與嘗同是追慕享之與食同是賞功其事無殊故云一也而食嘗無樂結之也不言享禘畧之禮云春曰禘今云春曰禘故知禘當曰祠王制夏殷之禮云春曰禘今云春曰禘故知禘當為禘此經所論謂夏殷禮也舉春見夏舉秋見冬若周則四時祭皆有樂故祭統云內祭則大嘗禘升歌清廟下管象是秋嘗有樂也宋王制夏后氏養老以享禮則夏家養老用春時有樂無秋食之禮殷人養老以食禮而秋時不作樂無春享之禮周人脩而兼用之則周人養老春夏用享禮秋冬用食禮四時皆用樂故文王世子云凡大合樂必遂養老注云春合舞秋合聲下云養老之禮遂發詠焉登歌清廟是秋時養老亦用樂也

陳氏禮書冕而總干施于食禮而記稱食嘗無樂者

考之于詩商頌言顧予蒸嘗而有鼗鼓淵淵嘒嘒管

聲小雅言以往烝嘗而有鐘鼓既戒鼓鐘送尸則嘗有樂矣樂師享祀諸侯序其事令奏鐘鼓鐘師凡享食奏燕樂籥師賓客享食鼓羽籥之舞則食有樂矣其曰食嘗無樂非殷周之制也

方氏懋曰重言而食嘗無樂五字蓋衍文

周氏謂曰攷于商頌周官則食嘗未有不用樂者豈非夏之制與

祭義禘有樂而嘗無樂

疏春夏陽似神之來故祭有樂秋冬陰似神之去故無樂然周

禮四時祭皆有樂殷則烝嘗之祭亦有樂故那詩云庸鼓有數萬舞有奕下云顧予烝嘗則殷秋冬亦有樂義

具郊特
牲疏

朱子曰春陽氣發人之魂魄亦動故禘有樂以迎來
如楚辭大招中亦有魂來之語秋陽氣退去乃鬼之
屈故嘗不用樂以送往

蕙田案郊特牲祭義並言嘗無樂郊特牲疏
以為夏殷禮而祭義疏則云周禮四時祭皆
有樂殷則烝嘗之祭亦有樂故那詩云庸鼓
有數萬舞有奕下云顧予烝嘗湯孫之將則

殷秋冬亦有樂據此則不得兼殷為說矣商
頌那疏云禮文殘缺鄭以異于周者即便推
為夏殷未必食嘗無樂非夏禮也說甚破的
今依詩疏及延平周氏說定為夏制

白虎通明堂記曰禹納蠻夷之樂于太廟

右夏廟享之樂

詩商頌那序那祀成湯也微子至于戴公其間禮樂廢
壞有正考甫者得商頌十二篇于周之太師以那為首

疏那之詩者祀成湯之樂歌也成湯創業垂統制禮作樂後世以時祀之詩人述其功業而作此歌也

猗與那與置我鞀鼓奏鼓簡簡行我烈祖湯孫奏假綏我思成鞀鼓淵淵嘒嘒管聲既和且平依我磬聲於赫湯孫穆穆厥聲庸鼓有數萬舞有奕我有嘉客亦不夷懌自古在昔先民有作溫恭朝夕執事有恪顧予烝嘗

湯孫之將

傳猗歎辭那多也鞀鼓樂之所成也夏后氏足鼓殷人置鼓周人縣鼓衍樂也烈祖湯有

功烈之祖也假大也嘒嘒然和平正平也依倚也磬聲之清者也以象萬物之成周尚臭殷尚聲於赫湯孫盛矣湯為人子孫也大鐘曰庸數數然盛也奕奕然闐也夷悅也先王稱之曰在古古曰在昔昔曰先民有作

有所作也恪敬也箋奏鼓奏堂下之樂也以金奏堂下諸縣其聲和大簡簡然以樂我功烈之祖成湯湯孫太甲又奏升堂之樂弦歌之乃安我以所思而成之謂神明來格也磬玉磬也堂下諸縣與諸管聲皆和平不相奪倫又與玉磬之聲相依亦謂和平也此樂之美其聲鐘則數數然有次序其干舞又閑習其禮儀溫溫然恭執事薦饌則又敬也

朱子集傳磬玉磬也堂上升歌之樂非石磬也庸鏞通上文言鞀鼓管籥作于堂下其聲依堂上之玉磬無相奪倫者至于此則九獻之後鐘鼓交作萬舞陳于庭而祀事畢矣

陳氏樂書堂上言依我磬聲則戛擊鳴球搏拊琴瑟
之類舉矣堂下言鞀鼓管鏞則柷敔笙簫之類舉矣
那祀成湯詳于樂而畧于禮者以其祖有功而樂象
功故也烈祖祀中宗言清酤和羹之禮而不及樂者
以其宗有德而禮成德故也閼宮言萬舞洋洋美其
形容之衆大也此言萬舞有爽美其綴兆之衆大也
由是觀之萬舞之舞在商為大濩在周為大武周官
皆以大司樂掌之其為衆大可知先儒謂以武王用

萬人定天下言之過也

李氏光地曰鐘有頌鐘有笙鐘磬亦有頌磬有笙磬庸即頌也與歌聲相應者也此庸字亦當包鐘磬然乃在縣者與上玉磬別也虞書云笙鏞以間此直言庸以人聲為重也以虞周之樂推之庸鼓有數當為間歌萬舞有夾當為合樂蓋未至間歌則笙鏞未舉未至合樂則萬舞未陳而上管聲磬聲之相依者則渾升歌下管而言之實則兩段也

烈祖序烈祖祀中宗也

箋中宗殷王太戊湯之元孫也疏烈祖詩者祀中宗之樂歌也

謂中宗既崩之後子孫祀之詩人述中宗之德陳其祭時之事而作此歌焉

嗟嗟烈祖有秩斯祐申錫無疆及爾斯所既載清酤賚
我思成亦有和羹既戒既平醴假無言時靡有爭綏我
眉壽黃耆無疆約軼錯衡八鸞鶴鴈以假以享我受命
溥將自天降康豐年穰穰來假來饗降福無疆顧予烝
嘗湯孫之將

朱子集傳此亦祀成湯之樂

殷武序殷武祀高宗也

疏殷武詩者祀高宗之樂歌也高宗前世殷道中衰宮室不脩

荆楚背叛高宗有德中興殷道伐荆楚修宮室子孫美之詩人追述其功而歌此詩也經六章首章言伐楚之功二章言責楚之義三章四章五章述其告曉荆楚末章言其修治寢廟皆是高宗生存所行故于祀而言之以美高宗也

撻彼殷武奮發荆楚深入其阻哀荆之旅有截其所湯
孫之緒維女荆楚居國南鄉昔有成湯自彼氐羗莫敢
不來享莫敢不來王曰商是常天命多辟設都于禹之
績歲事來辟勿予禍適稼穡匪解天命降監下民有嚴

不僭不濫不敢怠遑命于下國封建厥福商邑翼翼四
方之極赫赫厥聲濯濯厥靈壽考且寧以保我後生陟
彼景山松柏丸丸是斷是遷方斲是虔松栢有槎旅楹
有閑寢成孔安

朱子集傳舊說以此為祀高宗之樂此蓋特為百世
不遷之廟不在三昭三穆之數既成始祔而祭之
詩也

禮記郊特牲殷人尚聲臭味未成滌蕩其聲樂三闋然

後出迎牲聲音之號所以詔告于天地之間也

注猶搖蕩

也疏殷不尚氣而尚聲謂先秦樂也不言夏或從虞也臭味未成謂未殺牲也殷尚聲故未殺牲先搖蕩樂聲以求神也闕止也奏樂三徧止乃迎牲入殺鬼神在天地之間故用樂之音聲號呼告于天地之間庶神明陽之義也

陳氏樂書凡聲陽也商人之祭先求諸陽而已商頌那祀成湯也樂之所依者磬聲其名學以磬宗則主以樂教磬之所宗皆尚聲之意也

應氏鏞曰殷人尊鬼嚴于求神樂闕至三而後迎牲滌蕩者澡除洗雪于塵埃之境播散發越于虛無之

中使無一毫之隔礙也聲音之號者以聲音而號召之若以言語而詔告之天地之間虛曠洞達無不響也

右商廟享之樂

周禮春官樂師凡樂掌其序事治其樂政

李氏光地曰凡祭饗之事也序事者陳列之次序樂

政者作樂之政令

典庸器掌藏樂器及祭祀則帥其屬而設筭簾

注設筭簾視瞭

當以縣樂器焉橫者為筭從者為簾疏設筭簾視瞭當以縣樂器焉直云設明是視瞭縣之可知

陳氏樂書樂出于虛而寓于器本于情而見于文寓于器則器異異簾見于文則文同同筭古者以梓人

為筍簾鐘簾飾以羸屬磬簾飾以羽屬器異異簾故也鐘磬之筍皆飾以鱗屬其文若竹筍然文同同筍故也筍則橫之而設以崇牙其形高以峻簾則植之而設以業其形直以舉靈臺詩曰虞業維樅賁鼓維鏞有瞽詩曰設業設虞崇牙樹羽明堂位曰夏后氏之龍簾虞由是推之筍虞之制非特商周有之自夏后氏已然也鬻子曰大禹銘于筍簾教寡人以道者擊鼓教以義者擊鐘教以事者振鐸語以憂者擊磬語以訟者揮鞀其言雖不經見彼蓋有所受亦足考信矣

小胥正樂縣之位王宮縣諸侯軒縣卿大夫判縣士特縣辨其聲凡縣鐘磬半為堵全為肆

李氏光地曰樂縣謂鐘磬之屬縣于筍簾者宮縣如宮牆然四面縣也軒縣如軒車然三面縣也判縣東

西縣也特縣一面縣也既正其位又因而辨其聲也凡鐘磬編縣之二八十六枚而在一簾謂之堵鐘一堵磬一堵謂之肆此所謂縣者皆肆也若諸侯之卿大夫半天子之卿大夫西縣鐘東縣磬士亦半天子之士則縣磬而已所謂堵也

眡瞭掌太師之縣

李氏光地曰縣之使得其位

蕙田案儀禮大射儀樂人宿縣于阼階東笙磬西面其南笙鐘其南鐃皆南陳建鼓在阼階西南鼓應鼗在其東南鼓西階之西頌磬

東面其南鑄皆南陳一建鼓在其南東鼓朔
輦在其北一建鼓在西階之東南面蕩在建
鼓之間鼗倚于頌磬西絃樂縣之位見于經
者如此廟庭之縣當亦相近至編鐘編磬各
案律呂亦必有位眡瞭當掌之而大司樂大
胥復展其聲而察其合否也

大胥比樂官展樂器

李氏光地曰比校也展省也皆
所以待合樂而為有事之用也

大司樂凡樂事大祭祀宿縣遂以聲展之

注叩聽其聲具陳次之以

知完否 疏言宿縣者皆于前宿預縣之遂以聲展之者謂相扣使作樂聲而展省聽之知其完否善惡也

鄭氏錡曰作樂之時樂縣之位正于小胥既掌辨其聲矣又扣擊其聲而展省之者欲其知宮商不與金石諧和庶其奏可以格神祇也

陳氏禮書樂縣周官小胥王宮縣諸侯軒縣卿大夫判縣士特縣凡縣鐘磬半為堵全為肆蓋縣鐘十二為一堵二堵為一肆堵言合是以為宮肆言全而後可以陳列也宮縣象宮室軒縣闕其南判縣左右之

合特縣于東方或階間而已諸侯之卿大夫半天子

之卿大夫諸侯之士半天子之士則天子之卿大夫

判縣東西各一肆

東西各有鐘磬

諸侯之卿大夫判縣東西

各一堵

東磬西鐘

天子之士特縣南一肆諸侯之士特縣

南一堵

有磬無鐘

考之儀禮大射于羣臣備三面而已非

軒縣也先儒以為宮縣四面皆鐘磬鑄軒縣三面亦

鐘磬鑄判縣有鐘磬而無鑄特縣有磬而無鐘大射

避射位北方鼓而已此說是也然則諸侯非大射則

阼階之建鼓蓋在東而南陳應鼗在其北與朔鼗相應然則大射阼階北方之鼓非其常位也禮器曰廟堂之下懸鼓在西應鼓在東是也北齊之制宮縣各設十二鐘於其辰位四面設編鐘編磬各一虞合二十架設建鼓於四隅郊廟會同用之此或髣髴古制歟鄉射笙入立於縣中西面則東縣磬而已鄉飲磬階間縮雷笙入磬南則縮縣磬而已此士特縣之制也鄉射避射位故縣在東鄉飲非避射位故縣在南

鄉射有卿大夫詢衆庶之事鄉飲酒乃卿大夫之禮
皆特縣者以詢衆庶賓賢能非為已也故皆從士制
燕禮諸侯之禮而工止四人以從大夫之制其意亦
若此歟鄭康成曰鐘磬二八在一簾為一堵杜預曰

縣鐘十六為一肆服虔曰一縣十九鐘

十二鐘當十
二辰更加七

律後周以鐘磬七正七倍而縣十四梁武帝以濁倍
三七而縣二十一後魏公孫崇以鐘磬正倍參縣之
正聲十二倍聲十二而縣二十四隋牛洪據周官鄭

之說及樂緯宮為君商為臣君臣皆尊各置一枚故
後周十四而縣十六唐制分大小二調以二十四枚
為大調各有正倍轉通諸均天地宗廟蜡祭大架用
之十六枚為小調正通黃鍾林鍾二均釋奠宗廟等
小架用之至於登歌燕樂亦縣十四或七枚為一格
宋因前代之制止用十六枚以十二枚為正鐘四枚
為清鐘然考之於經先王之樂以十有二律為度數
以十有二聲為之齊量國語伶州鳩曰古者神瞽考

中聲而量之以制度律均鐘紀之以三平之以六成
於十二天之道也唐段安節樂府雜錄曰雅部十二
鐘每架各編鐘十二各依律呂然則州鳩安節之所
述皆與禮合是古者凡縣鐘磬不過十二而旋宮備
矣後世增之以至十四十六十九二十一二十四唐
兼用之以二十四為大調而其下至於七枚而已蓋
皆惑於清倍之法然也

或曰左氏云中聲以降五降
之後不容彈矣則降用半律

為清聲矣國語武王以夷則之上宮畢陳以黃鐘之
下宮布戎則上宮聲高為清聲矣以至晉師曠師延

之時亦有清角清徵晉人笛法正聲應黃鐘下徵應
林鐘則清聲所由來遠矣特其用多寡不同故有十
三管之和十九管之巢三十六簧之竽二十五絃之
瑟則清聲寓于其中可知矣後世儒者以漢成帝建
為郡水濱得古磬十六枚正始中徐州薛城送王粲
十六枚於是多宗鄭氏二八之說用四清聲以謂夷
則南呂無射應鐘四宮管短則減黃鐘大呂太簇
姑洗四管之半以為清聲而應之則樂音諧矣

蕙田案編鐘十六鄭氏說是陳氏未的詳見
後樂器門

又案以上周廟享宿縣樂器

周頌清廟序清廟祀文王也周公既成洛邑朝諸侯率

以祀文王焉

疏清廟詩者祀文王之樂歌後乃用之于樂以為常歌也故禮記每云升歌清廟是

其事也

於穆清廟肅雝顯相濟濟多士秉文之德對越在天駿奔走在廟不顯不承無射于人斯

朱子集傳此周公既成洛邑而朝諸侯因率之以祀文王之樂歌書稱王在新邑烝祭歲文王騂牛一武王騂牛一實周公攝政之七年而此其升歌之辭也書大傳曰周公升歌清廟苟在廟中嘗見文王者愀

然如復見文王焉樂記曰清廟之瑟朱絃而疏越一
倡而三歎有遺音者矣鄭氏曰朱絃練朱絃練則聲
濁越瑟底孔也疏之使聲遲也倡發歌句也三歎三
人從歎之耳漢因秦樂乾豆上奏登歌獨上歌不以
筦絃亂人聲欲在位者徧聞之猶古清廟之歌也

尚書大傳古者帝王升歌清廟大瑟練絃達越大琴

朱絃達越以韋為鼓謂之搏拊何以也

注練絃朱絃
五文也越下

孔也凡練絃達越搏
拊者象其德寬和

君子有大人聲不以鐘鼓等瑟

之聲亂人聲清廟升歌者歌先人之功烈德澤也故
欲其清也其歌之呼也曰於穆清廟於者歎之也穆
者敬之也清者欲其在位者徧聞之也故周公升歌
文王之功烈德澤苟在廟中嘗見文王者愀然如復
見文王故書曰搏拊琴瑟以詠祖考來格此之謂也

宗元案清廟祀文王固是序又謂周公既成
洛邑朝諸侯則是東都之廟而非鎬京矣烏
有周頌開篇不首西都之頌而反首東都者

乎朱子引書王在新邑云云亦仍其訛不知
東都之文王廟頌自在卷末酌篇而前儒亦
皆誤解之也今但以證清廟為升歌之樂而
引之故未暇駁正爾

禮記樂記清廟之瑟朱弦而疏越一唱而三歎有遺音

者矣

注清廟謂作樂歌清廟也朱弦練朱弦練則聲濁越瑟底孔也畫疏之使聲遲也倡發歌曲也三歎

三人從歎之耳疏清廟之瑟謂歌清廟之詩所彈之瑟也朱弦案虞書傳云古者帝王升歌清廟之樂大瑟

練弦此云朱弦明練之可知也不練則體勁而聲清練則絲熟而弦濁瑟兩頭有孔疏通之使兩頭孔相連孔

小則聲急孔大則聲遲弦聲既濁瑟聲又遲是其質素
初一唱之時但有三人贊歎之言歎者少也雖然有遺
餘之音以其貴在于德所以有遺音人念之不忘也

陳氏樂書清廟而以朱弦疏越之瑟和之使人知樂
意所尚非在乎極音者也且得毋遺音乎老子所謂
大音希聲此也

朱子曰一倡三歎蓋一人倡而三人和也今解者以
為三歎息非也

陸氏佃曰一倡而三歎所謂嗟歎之不足故詠歌之
於是為至遺猶忘也言造其極者忘其粗也遺音與

味其於禮樂
可謂真得矣

輔氏廣曰三歎謂聞者嘆其有遺音也有遺音言弗
盡其音也有遺味言弗盡其味也於此有所遺則於
彼有所
盡矣

蕙田案陸氏輔氏二說可並存

大戴禮禮三本篇清廟之歌一倡而三歎縣一磬而尚
搏拊朱弦而通越

蕙田案縣一磬者堂上之玉磬商頌曰依我
磬聲是也其編磬則在堂下

禮記祭統聲莫重於升歌此周道也

方氏慤曰經言升歌清廟清廟者文王之詩故重升歌

大嘗禘升歌清廟

注清廟頌文王之詩也

陳氏樂書清廟頌文王清明之德歌于堂上也

明堂位升歌清廟

疏升升堂也升樂工于廟堂而歌清廟詩也清廟以文王有清明之德祭

之于廟而作頌也

周禮春官大師大祭祀帥瞽登歌令奏擊拊

注鄭司農云登歌歌

者在堂也付字當為拊書亦或為拊樂或當擊或當拊登歌下管貴人聲也元謂拊形如鼓以韋為之著之以

糠疏謂凡大祭之時大師有此一事言帥替登歌者
謂下神合樂皆升歌清廟故將作樂時大師帥取替人
登堂于西階之東北面坐而歌者與瑟以歌詩也令奏
擊拊者拊所以導引歌者故先擊拊磬乃歌也歌者出
聲謂之奏故云奏也又曰鄭云樂或當擊或當拊者先
鄭之意擊拊謂若尚書云擊石拊石皆是作用之名拊
非樂器后鄭不從者此擊拊謂若下文鼓鞀及擊應鞀
之類彼鞀鞀是樂器則知此拊亦樂器也元謂拊形如
鼓以韋為之著之以糠者此破先鄭拊非樂器知義如
此者約白虎通引尚書大傳云拊革裝之以糠今書傳
無者在
三逸中

王氏禹昭曰擊拊即書云擊石拊石此堂上之樂也
小師云登歌擊拊則擊拊者小師而大師令奏之
黃氏度曰明堂位曰拊搏玉磬拊擊大琴大瑟中琴
小瑟四代之樂器也是登歌則擊磬瑟受擊

搏拊皆擊義玉磬琴瑟皆有搏拊之名

小師大祭祀登歌擊拊

注亦自有拊擊之佐大師令奏鄭司農云拊者擊石疏鄭知

此小師亦自擊拊不共大師同擊拊者見大師下管鼓帙此小師下管別自擊應擊不同明擊拊亦別可知但小師佐大師耳引先鄭拊為擊石者先鄭上注已解拊與擊同後鄭不從今引之在下者以無正文引之或得為一義故也

胡氏伸曰拊革鼓也樂以登歌為貴凡以詠者舉堂上之樂

易氏祓曰登歌則瞽矇擊拊則小師大師令其奏而已

陳氏樂書拊之為器韋表糠裏狀則類鼓聲則和柔

倡而不和非徒鏗鏘而已書傳謂以韋為鼓白虎通
謂拊革而糠是也其設堂上書所謂搏拊是也其用
升歌大師所謂登歌則令奏擊拊是也書謂之搏拊
明堂位謂之拊搏者以其或搏或拊莫適先後故也
既謂之搏拊又謂之擊拊者拊之或擊或拊拊聲大
小之辨書以擊石拊石為磬聲小大之辨意亦如此
荀卿曰縣一鐘而尚拊大戴禮曰縣一磬而尚拊蓋
一鐘一磬特縣之樂也拊設於一鐘一磬之東其為

衆樂之倡可知矣大祭祀登歌擊拊固小師之職也
太師則令奏之而已

李氏光地曰帥瞽登堂而歌將歌之時則令奏擊拊
乃歌也大師令奏擊拊則小師擊拊擊拊者或當擊
或當拊虞書曰戛擊鳴球搏拊琴瑟以詠政與此合
然其下有笙鏞以間則間歌也簫韶九成則合樂也
儀禮雖鄉樂亦有升歌笙入間歌合樂之四節則此
大祭祀備四樂可知然禮不言者蓋間則歌管之迭

作合則歌管之竝興而已故言登歌下管足以該之也

蕙田案李氏釋擊拊與尚書蔡傳同陳氏則一主注疏似李氏為是

禮記禮運列其琴瑟

注列其琴瑟者琴瑟在堂而登歌書云搏拊琴瑟以詠是也

蕙田案琴瑟之聲和朱弦疏越一唱三歎貴

人聲使不亂也

郊特牲歌者在上貴人聲也

疏歌是人聲可貴故升之在堂上

馬氏晞孟曰歌者聲之發于口發于口者其聲精故歌者在上也

蕙田案以上升歌周廟享堂上之樂

詩周頌有瞽序有瞽始作樂而合乎祖也

疏大合諸樂而奏之謂合

諸樂器一時奏之即經所云鞀磬祝敔簫管之屬是也知不合諸異代樂者以序者序經之所陳止說周之樂器言既備乃奏是諸器備集然後奏之無他代之樂故知非合諸異代樂也

有瞽有瞽在周之庭設業設虞崇牙樹羽應田縣鼓鞀磬祝圉既備乃奏簫管備舉嚶嚶厥聲肅雝和鳴先祖是聽我客戾止永觀厥成

傳業大板也所以飾柶為縣也捷業如鋸齒或曰畫之植

者為虞衡者為柶崇牙上飾卷然可以縣也樹羽置羽也應小鞀也田大鼓也縣鼓周鼓也鞀小鼓也柶木控也圍揭也夔夔矇也以爲樂官者目無所見於音聲審也周禮上瞽四十人中瞽百人下瞽百六十人有視瞭者相之又設縣鼓田當作棟棟小鼓在大鼓旁應鞀之屬也聲轉字誤變而作田既備者懸也棟也皆畢已也乃奏謂樂作也簫編小竹管如今賣錫者所吹也管如遂併而吹之疏毛以爲始作大武之樂合於大廟之時有此瞽人其作樂者皆在周之廟庭矣既有瞽人又使人爲之設其橫者之業又設其植者之虞其上刻爲崇牙因樹置五采之羽以爲之飾既有應之小鼓又有田之大鼓其鼓懸之虞業爲懸鼓也又有鞀有磬有柶有圍皆視瞭設之於庭矣既備具乃使鼓人擊而奏之又有吹者編竹之簫併竹之管已備舉作之喤喤然和集其聲此等諸聲皆恭敬和諧而鳴不相奪理先祖之神於是降而聽之於時我客二王之後適來至止與

聞此樂其音感之長令多其成功謂感於和樂遂入善
 道也此樂能感人神為美之極故述而歌之鄭惟應田
 俱為小鼓為異餘同文須如此者以樂皆替人為之故
 先言有替有替於替於替下言於周之庭則樂皆在庭矣周
 人初改為懸故於諸樂先言懸事於虞業言設則祝圉
 以上皆蒙設文其蕭管則執以吹之非所當設於乃奏
 之下別言備舉助祭之人蓋應多矣獨言我客者以二
 王之後尊故特言之也周禮替矇為大師之屬職播鞀
 祝圉蕭管弦歌是替為樂官也釋器云大板為之業是
 業為大板也又解業之所用所以飾柎而為懸也懸之橫
 者為柎其上加之以業所以飾此柎而為懸設也其形
 刻之捷業然如鋸齒故謂之業或曰畫之謂既刻又畫
 之以無明文故為兩解業即柎上之板與柎相配為一
 故通解柎虞之體植者為虞橫者為柎也知者以春官
 典庸器冬官梓人及明堂位檀弓皆言柎虞而不言業
 此及靈臺言虞業而無柎文皆與虞相配柎業互見明

一事也。名生於體，而謂之為業，則是其形捷業宜橫以置懸。故知橫者為柁，既言業，所以飾柁，則與之為一據。柁定其橫植而業統名焉，故不言橫。曰業也，柁業既橫，虞者自然植矣。釋器云：木謂之虞，郭璞云：懸鐘磬之木。植者，名虞，虞既用木，則柁亦木為之也。又知崇牙上飾卷然，然可以為懸者也。繫於業而言，維明在業上為之，故與此二文以互言業，不言柁也。虞者立於兩端，柁則橫入於虞，其柁之上加於大板側，著於柁，其上刻為崇牙，似鋸齒，捷業然。故謂之業牙，即業上之齒也。故明堂位云：夏后氏之龍簋，虞殷之崇牙，注云：橫曰簋，飾之以鱗屬，以大板為之，謂之業殷。又於龍上刻畫之為重牙，以掛懸統是牙，即業之上齒也。以其形卷然，得掛繩於上，故言可以為懸也。言掛懸統者，統謂懸之繩也。樹羽置羽者，置之於柁虞之上角。漢禮器制度云：為龍頭及頷曰銜，壁壁下有旄牛尾，明堂位於崇牙之下。又云：周之

壁翬注云周人畫繪為翬載以壁垂五米羽其下樹翬於簣之角上飾彌多是也知應小鞀者釋樂云大鼓謂之翬小者謂之應是應為小鼓也大射禮應鞀在建鼓東則為應和建鼓應鞀共文是為一器故知應小鞀也應既為小田宜為大故云田大鼓也明堂位云夏后氏之足鼓殷人楹鼓周人縣鼓是周法鼓始在懸故云懸鼓周鼓解此詩特言懸意也若然大射禮者是周禮也其樂用建鼓建鼓則殷之楹鼓也而大射用之者以彼諸侯射禮畧於樂備三面而已故無懸鼓也鞀者春官小師注云鞀如鼓而小持其柄搖之旁耳還自擊是也枳木枳園楬者以樂記有枳楬之文與此枳園為一故辨之言木枳者明用木為之枳楬用木則園亦用木以木可知而畧之太師注木枳楬如漆簫中有椎合之者投陶謨云合止枳楬注云枳狀如漆簫中有椎合之者投椎於其中而撞之故狀如伏虎背上刻之所以止鼓謂之止釋樂云所以鼓枳謂之止所以鼓枳謂之止郭璞

云祝如漆方二尺四寸深一尺八寸中有椎柄連底
損之令左右擊止者其椎名也敵如伏虎背上有二十
七鉏鋸刻以木長尺櫟之莖者其名也此等形狀蓋依
漢之天子樂而知之其柶與國敵古今字耳替矇有視
矇者相之又使此視矇設懸鼓因明設業以下皆視矇
設之非替自設也春官序於替矇之下云視矇三百人
則一替一視矇也注云矇目明者也其職云掌太師之
懸凡樂事相替注云太師當懸則為之相謂扶工是主
相替又設懸也以經傳皆無田鼓之名而田與應連文
皆在懸鼓之上應者應大鼓則田亦應之類太師職云
下管播樂器令奏鼓棟注云為大鼓先引是古有名棟
引導鼓故知田當為棟是應鞀之屬也簫編小竹管者
釋樂云大簫謂之言小者謂之筴筴小也郭璞曰大簫聲大者
言言也小者聲揚而小故言筴筴小也郭璞曰大簫聲大者
編二十二管長尺四寸小者十六管長尺二寸一名籥
易通卦驗云簫長尺四寸風俗通云簫參差象鳳翼十

管長二尺其言管數長短不同蓋有大小故也要是編
小竹管為之耳如今賣錫者所吹其時賣錫之人吹簫
以自表也史記稱伍子胥鼓腹吹簫乞食吳市亦為自
表異也管如笛併而吹之謂並吹而管也小師注云管
如笛形小併兩而吹之今大子樂官有之是也釋樂云
大管謂之籥李廵曰聲高大故曰籥籥高也郭璞曰管
長尺圍寸併漆之有底
賈氏以為如簾六孔

蕙田案春官小師賈疏引廣雅云管象簫長
尺圍寸八孔無底八孔者蓋傳寫誤當從六
孔為正此疏引郭璞云管長尺圍寸併漆之
有底案志稱十二管斷兩竹節間而為之則

當以無底為是

何氏楷曰傳曰黃帝使神瞽考中聲夏書曰瞽奏鼓
禮曰御瞽幾聲之上下詩曰矇瞍奏公國語曰矇瞍
修聲則瞽矇之職自古以固然非特周也筍簠所以
架鍾磬崇牙璧翬所以飾筍簠夏后氏飾以龍而無
崇牙商飾以崇牙而無璧翬至周則極文而三者具
矣爾雅云大鼓謂之鼗小者謂之應毛傳訓應為小
鞞孔云此大射禮應鞞也陳祥道云大射有朔鞞應

輦詩又以應配輦則朔輦乃輦鼓也以其引鼓焉故
曰輦以其始鼓焉故曰朔是以儀禮有朔無輦周禮
有輦無朔猶儀禮之元酒周禮之明水其寔一也鄭
氏以應與輦及朔為三鼓恐不然也大射建鼓南鼓
應輦亦南鼓而居其東建鼓東鼓朔輦亦東鼓而居
其北則輦與鼓皆建而輦常在其左矣朔作而應應
之朔在西應在東則凡樂之奏常先西矣案周禮大
師職云大祭祀帥輦登歌令奏擊拊下管播樂器令

奏鼓輦大饗亦如之小師職云大祭祀登歌擊拊下
管擊應鼓徹歌大饗亦如之是則鼓輦擊應皆在堂
上擊拊之時而鼓輦職於太師擊應職於小師則應
比輦為賤矣儀禮應輦朔輦舊說謂應輦者應朔輦
也朔者始也先擊朔輦次擊應輦擊應繼鼓輦而起
亦取其與輦相應故名應耳陳暘云於歌言登則知
管之為降於管言下則知歌之為上堂上之樂衆矣
其所待以作者在乎奏擊拊堂下之樂衆矣其所待

以作者在乎奏鼓輦舜之作樂言拊詠於上言鼗鼓於下樂記亦曰會守拊鼓蓋拊為衆器之父鼓輦為衆聲之君以拊為父凡樂待此而作者有子道焉以鼓輦為君凡樂待此而作者有臣道焉又云堂下之樂以管為本器之尤小者也應之為鼓鞀之尤小者也禮器曰縣鼓在西應鼓在東作樂及其小者乃所以為備也太師大祭祀擊拊鼓輦亦此意歟當堂上擊拊之時則堂下擊應鼓輦以應之然後播鼗而鼓

矣應施於擊拊又施於歌徹其樂之始終歟縣鼓毛
云周鼓也明堂位云夏后氏之足鼓殷人楹鼓周人
縣鼓陳陽云昔少昊氏造建鼓夏后氏加四足商人
貫之以柱周人懸而擊之縣鼓本出於建鼓則縣鼓
大鼓也應田縣鼓先小後大所以為備樂也愚案路
鼓鼗鼓皆為大鼓以周禮考之則此縣鼓乃路鼓陳
祥道以為晉鼓非也周禮鼓人職云以雷鼓鼓神祀
以靈鼓鼓社祭以路鼓鼓鬼享此祭宗廟故知為路

鼓也鞀鄭玄云如鼓而小持其柄搖之旁耳還自擊
劉熙云鞀導也所以導樂作亦作鼗爾雅云大鼗謂
之麻小者謂之料又作鞀月令云修鞀鞀先儒謂小
鼓有柄曰鞀大鞀曰鞀愚案此鼗即路鼓也周禮大
司樂職云鼗鼓鼗鼗冬日至於地上之圜丘奏之若
樂六變則天神皆降可得而禮矣靈鼓靈鼗夏日至
於澤上之方丘奏之若樂八變則地祇皆出可得而
禮矣路鼓路鼗於宗廟之中奏之若樂九變則人鬼

可得而禮矣陳暘云鼗於鼓為小所以兆奏鼓者也
鼓以節之鼗以兆之作樂之道也鼓則擊而不播鼗
則播而不擊雷鼓雷鼗六面而工十有二以二人各
直一面左播鼗右擊鼓故也靈鼓靈鼗八面而工十
有六路鼓路鼗四面而工八人亦若是歟商頌言置
我鞀鼓則鞀與鼓同植非有播擊之異與周制差殊
矣蓋鞀兆奏鼓者也作堂下之樂必先鼗鼓者豈非
樂記所謂先鼓以警誡之意歟又云鞀鼓二者以同

聲相應故祀天神以雷鼓雷鼗祭地示以靈鼓靈鞀
享人鬼以路鼓路鼗樂記亦以鞀鼓合而為德音周
官少師亦以鞀鼓并而鼓之也磬頌磬笙磬也陳暘
云大射之儀樂人宿縣於阼階東笙磬西面西階之
西頌磬東面蓋應笙之磬謂之笙磬應歌之磬謂之
頌磬笙磬在東而面西頌磬在西而面東頌磬歌於
西是南鄉北鄉以西方為上所以貴人聲也笙磬吹
於東是以東方為下所以賤匏竹也大射鼗倚於頌

磬西絃頌磬在西而有絃是編磬在西而以頌磬名
之特磬在東而以笙磬名之又云鼗堂下之樂也磬
堂上之樂也堂下之鼗播則堂上之磬作矣故視瞭
以播鼗為先而擊頌磬笙磬次之商頌言鞀鼓淵淵
繼之依我磬聲亦是意也祝毛云木柷也圉通作敌
毛云楬也陳祥道云祝方二尺四寸陰也敌二十七
鉦鉦陽也樂作陽也以陰數成之樂止陰也以陽數
成之固天地自然之理徐光啟云祝之制中虛蓋聲

之所出以虛為本也。圉之制中寔蓋聲之所止則歸寔也。王邦直云樂記曰聖人作為柷敔柷敔柷敔柷敔皆一物而異名不言柷敔而言柷敔者柷以中虛為用而聲出焉故又謂之柷敔以伏虎為形而聲伏焉故又謂之柷蓋聲之出也樂由之合聲之伏也樂由之止焉亦陰陽之義也。陳暘云鞀所以兆奏鼓堂下之樂也磬則上聲而遠聞堂上之樂也堂上堂下之樂備奏其合止有時制命於柷圉而已既備者鄭云懸

也陳也皆畢已也奏者動作之義此則指金奏而言
凡樂必先奏鐘以均諸樂所謂鐘即十二律之鐘也
以周禮大司樂考之奏黃鍾歌大呂舞雲門以祀天
神云云此詩言先祖是聽則其所奏可知也賈公彥
云奏者奏擊以出聲故據鐘而言歌者發聲出音故
據聲而說亦互而通也欲作樂先擊此二者之鐘以
均諸樂是以鐘師云以鐘鼓奏九夏鄭云先擊鐘次
擊鼓論語云始作翕如鄭云始作謂金奏也又案周

禮鐘師掌金奏凡樂事以鐘鼓奏九夏大司樂職亦云凡大祭祀王出入則令奏王夏尸出入則令奏肆夏牲出入則令奏昭夏彼所謂奏雖兼用鐘鼓而以金為主故名金奏則此詩云乃奏或即指三夏之奏亦未可知要之當據鐘而言也管以笙言與商頌嘒嘒管聲不同舉說文云對舉也簫管之樂俱在堂下備舉而作之則堂下之器無或遺者矣上文但述樂器之名而已此或言奏或言舉互相備也陳暘云周

官眡瞭掌凡樂事播鼗擊頌磬笙磬小師掌教鼓鼗
祝敔塤管簫簫瞽矇掌播鼗祝敔塤簫管是皆先鼗而
磬次之先祝敔而簫管次之是詩言鞀磬祝圉繼之
簫管備舉固作樂之序也論備樂而不及舞者舞所
以節八音也言八音則舞舉矣喤喤厥聲二句以堂
上之樂言厥聲人聲謂登歌也

蕙田案此詩以有瞽有瞽在周之庭說起則
下所陳皆堂下之樂無疑何氏以奏為金奏

據鐘言之其說可通至訓管為匏訓厥聲為
登歌則不免穿鑿附會又攷升歌時堂下之
吹不作下管時堂上之歌不作間歌時堂上
堂下更迭歌吹亦不一時並作何氏謂堂上
擊拊時堂下擊應鼓輦以應之非也笙磬亦
編見儀禮鄭注何氏以笙磬為特磬亦非也

朱氏公遷曰此
皆堂下之樂

周禮春官大師下管播樂器令奏鼓輦

李氏光地曰下堂下也堂下之樂以管為主而樂器從之下管之時樂器既播亦令奏鼓簾管乃作也簾

小鼓也案虞書曰下管鼓其文正與此合

小師下管擊應鼓

注應擊也應與簾及朔皆小鼓也其

有朔擊者案大射建鼓在阼階西南鼓應擊在其東以是知應是應擊彼又云一建鼓在于西階之西朔擊在其北是知有朔擊也知皆小鼓者擊鼓者即事之漸先擊小後擊大故大射云應鼓在其東朔擊在其北擊者皆在人右鄭彼注云便其先擊小後擊大既便其事是應有簾無朔大射有朔有應無簾凡言應者應朔擊祭祀既有應明有朔但無文不可強定之故云用別未聞也

鄭氏鍔曰及下管則擊應鼓大師令奏鼓幟小師則擊應鼓不鼓幟蓋幟者所以引衆鼓而應則以為衆鼓之應也周頌所謂應幟懸鼓正謂是

王氏昭禹曰應幟為幟鼓之和幟鼓為應幟之引幟必有應應必有幟互相備也

陳氏樂書道以無所因為上以有所待為下管之為器有所待而聲發焉非若歌之出於人聲而無所因者也故管為堂下之樂儀禮曰下管新宮是也堂下之樂以管為本器之至小者也應之為鼓鞀之尤小者也下管擊應鼓蓋言稱也禮器曰縣鼓在西應鼓

在東詩曰應田縣鼓爾雅曰大鼓謂之鼗小鼓謂之應大祭祀下管擊應鼓是作樂及其小者乃所以為備也大師大祭祀擊拊鼓鞀亦此意歟

禮記禮運列其管磬鐘鼓

疏管磬鐘鼓堂下之樂書云下管鼗鼓笙鏞以間是也其

歌鐘歌磬亦在堂下

陳氏樂書先王作樂莫不文之以五聲播之以八音故列琴瑟於南列管於東列磬於西列鼓於北所以正其位也然琴瑟絲音也與瓦同於尚宮管竹音也與匏同於利制鼓革音也與木同於一聲磬石音也鐘金音也故舉絲以見瓦舉竹以見匏舉革以見木而五聲八音具矣

蕙田案疏堂下之說是也陳氏南北東西之位又與白虎通不合白虎通云笙在北方祝在東北方鼓在東方琴在南方埙在西南方鐘在西方磬在北方

禮器廟堂之下縣鼓在西應鼓在東

注儀尊縣鼓俱在西禮樂之器尊西

也小鼓謂之應疏縣鼓大鼓也在西方而縣之應鼓謂小鼓也在東方而縣之

蕙田案應鼓孔疏以為縣之則亦是縣鼓矣周希聖以為以縣鼓而對應鼓則應鼓非縣

乃提之者也云提之亦未是應鼓輦鼓朔鼓
皆小鼓豈皆提之者乎

祭統夫大嘗禘下而管象朱干玉戚以舞大武八佾以

舞大夏此天子之樂也

注管象吹管而舞武象之樂也朱干赤盾戚斧也此武象之舞

所執也佾猶列也大夏禹樂文舞也執羽籥文武之舞皆八列互言之耳

陳氏樂書清廟頌文王清明之德歌于堂上以示之維清奏文王象武之事管於堂下以示之大武武王之樂也朱干玉戚以舞之所以象征誅大夏姒禹之樂也八佾以舞之所以象揖遜周公之廟得用天子之樂雖歌舞以之可也大嘗禘用天子禮樂如此則郊社可知矣

陸氏佃曰言下而管象則升歌之人下而又管象之

蕙田案凡樂升歌在上下管在下堂上堂下更代迭奏謂之間歌堂上堂下一時並作謂之合樂陸氏以為升歌之人下而又管象恐不切事理

明堂位下管象朱干玉戚冕而舞大舞皮弁素積裼而

舞大夏

注象謂周頌武也以管播之朱干赤大盾也戚斧也冕冠名也諸公之服自袞冕而下如王之

服也大武周舞也大夏夏舞也疏下堂下也管匏竹在堂下故云下管堂下吹管以播象武之詩故云下管

象也案詩維清奏象舞襄二十九年見舞象節南籥知
非文王之樂必以為大武武王樂者經云升歌清廟下
管象以父詩在上子詩在下故知為武王樂也朱干玉
戚者赤質玉飾斧也冕而舞大武者王著衮冕執赤質
玉斧而舞武王伐紂之樂也上云下管象謂吹大武詩
此云舞大武謂大武之舞也皮弁三王之服初見美也
大夏夏禹之樂也王又服皮弁裼而舞夏后氏之樂也
六冕是周制故用冕而舞周樂皮弁是三王服故用皮
弁舞夏樂也周樂是武武質故不裼夏家樂文文故裼
也若諸侯之祭各服所祭之冕而舞祭統冕而總干以裼
樂王尸是也

陸氏佃曰大享之禮與宗廟同故亦升歌清廟下管
象武繼之夏籥序興是也養老之禮則異於大享故
升清廟下管象其舞則大武而已無夏也蓋武降大
夏一等文王世子登歌清廟下管象舞大武是也燕

禮則有勺而無大武蓋勺降大武一等儀禮所謂升歌鹿鳴下管新宮遂合舞樂合樂則勺是也

郊特牲匏竹在下

陳氏禮書舜之時堂上有戛擊堂下有祝故堂上有鳴球堂下有石磬堂上有搏拊堂下有鼗鼓也詩言設業設簾崇牙樹羽應田縣鼓鞀磬祝圉簫管備舉皆在周之庭儀禮樂虞皆在兩階之間此堂下之樂也商頌曰鞀鼓淵淵嘒嘒管聲既和且平依我磬聲以言堂下之管鼓依我堂上之磬聲也

詩注玉磬也

觀周

書有地球春秋之時齊國佐以玉磬賂晉魯饑文仲以玉磬告糴于齊荀卿曰縣一鐘而尚拊大戴禮曰縣一磬而拊搏則自虞至周堂上皆有玉磬矣有磬必有鐘此荀卿所以有一鐘之說也燕禮鄉射大射皆席工于西階上北面東上則堂上之樂蓋皆西陳而北面也儀禮工入則瑟先歌後獻工亦瑟先歌後而樂正常立于西階東周禮登歌先擊拊是樂正居東歌在瑟西而瑟又在拊西其他不可考也周禮鼓

人以晉鼓鼓金奏鑄師掌金奏之鼓鐘師以鐘鼓奏
九夏記曰入門而懸興春秋傳曰入門而金作國語
曰金不過以動聲又曰金石以動之先儒謂凡樂先
擊鐘次擊鼓是也小胥下管播樂器令奏鼓鞀瞽矇
眡瞭凡樂事先播鼓鞀則引大鼓者也鼓兆鼓者也
觀眡瞭播鼓擊頌磬笙磬詩言執磬祝圉儀禮大射
鼗倚于頌磬西紘言鼗必及磬設鼗必倚磬之紘是
鐘磬作則鼗作矣及下管播樂器而樂具作焉乃鼓

輦以先之是鼗常在前而輦常在後也先王賜諸侯樂則以祝將之賜子男則以鼗將之以鼗不以輦則鼗先於輦可知矣鍾磬之應歌者曰頌鍾頌磬其應笙者曰笙鍾笙磬春秋傳有歌鍾與頌鍾頌磬之義同周禮有鍾笙笙師祭祀享射共其鍾笙之樂與笙鍾笙磬之意同先儒謂磬在東曰笙笙生也在西曰頌頌或作庸庸功也豈其然歟然頌磬在西笙磬在東朔聲在西應鼗在東是堂下之樂貴西也堂下之樂貴西堂上之

樂上東者貴西所以禮賓上東於西階之上亦以其
近賓故也觀鄉飲酒鄉射之用樂皆樂正告備於賓
特燕禮告備于公以明君臣之分而已則樂為賓設
可知矣

蕙田案以上下管興舞周廟享堂下之樂

周禮春官笙師凡祭祀共其鍾笙之樂

注鍾笙與鍾聲相應之笙

黃氏度曰書曰笙鏞以間蓋笙與歌間作歌則以鍾節之獨出祭祀享射其他不出鍾笙鍾從笙也

眡瞭凡樂事播鼗擊頌磬笙磬

李氏光地曰言凡樂事於樂作之時則播鼗而又擊其頌磬笙磬也頌即庸也與歌聲相應者曰頌磬頌鍾與笙聲相應者曰笙磬笙鍾皆于樂既作而奏之故虞書曰下管鼗鼓笙鏞以間也惟擊磬不擊鍾者則磬師之屬擊之

蕙田案此周廟享間歌之樂 間代也堂上

一歌堂下一吹迭相代也儀禮鄉飲燕禮間

歌三終歌魚麗笙由庚歌南有嘉魚笙崇丘

歌南山有臺笙由儀是也儀禮笙入三成以

笙入間歌也即虞書笙鏞以間凡樂上下皆

同

大司樂以六律六同五聲八音六舞大合樂以致鬼神

元

注大合樂者謂徧作六代之樂疏云大合樂者據薦腥之後合樂之時用之也此所合樂即下云若樂

六變若樂八變若樂九變之等彼據祭天下神此據正祭合樂若然合樂在下神後而文退下神在樂後者以

下神用一代樂此用六代六代事重故進之在上若然下神不亞合樂而隔分樂之後者以分樂序之皆用一

代此三禘下神亦用一代若不隔分樂恐其相亂且使一變二變之等與分樂所用樂同故三禘在下也云以

致鬼神元者是據三禘而言云以和邦國以下亦據三禘之祭各包此數事故鄭引虞書以証宗廟云云大合

樂者謂徧作六代之樂者此經六樂即上六舞故知徧作六代之樂言徧作樂而一時俱為待一代訖乃更為

故云編
作也

蕙田案以上周廟享合樂 合樂有二一則
堂上堂下歌瑟及笙並作也儀禮鄉飲酒禮
合樂三終周南關雎葛覃卷耳召南鵲巢采
繁采蘋孔子所謂關雎之亂洋洋盈耳者是
也一則疏家謂編作六代之樂樂記曰大章
章之也咸池備矣韶繼也夏大也殷周之樂
備矣是也此條大司樂云大合樂寔兼此二

義

乃奏夷則歌小呂舞大濩以享先妣

注夷則陽聲第五小呂為之合小呂

一名中呂先妣姜嫄也姜嫄履大人跡感神靈而生育是周之先母也周立廟祀后稷為始祖姜嫄無所祔

是以特立廟而祭之謂之閼宮閼神之疏祭法不見先妣者以其七廟外非常故不言若祭當與二祧同亦

享嘗乃止若追享自然及之矣閼宮婦人稱宮處在幽靜故名廟為閼宮

易氏祓曰濩養也言成湯弔伐養天下也故大濩之樂起于夷則之申應以小呂之巳以享先妣而序于

先祖之上蓋主乎姜嫄而先後與焉謂子孫之養皆原于此亦其類也

李氏光地曰周特尊事姜嫄故妣先于祖人道陰陽泰焉但以生物終始為義而已妣主育養自己至申

萬物致養故用夷則小呂之合律也

乃奏無射歌夾鍾舞大武以享先祖

注無射陽聲之下也夾鍾為之合夾

鍾一名圓鍾先祖謂先王先公疏鄭據司服而言但司服以先王先公服異故別言此則先王先公樂合故是合說以其俱是先祖故也

易氏被曰武功也言武王偃武而卒其伐功故大武之樂起于無射之成應以夾鍾之卯以享先祖而序于先妣之下蓋主乎后稷而先公與焉謂王業之大寔基乎此亦其類也

李氏光地曰自卯至戌萬物形就故用無射夾鍾之合律也六樂用律與舞皆以尊卑為次然于陰陽象各有合者又如此

陳氏禮書太師掌六律六同以合陰陽之聲陽聲黃

鍾太簇姑洗蕤賓夷則無射陰聲大呂應鍾南呂函

鍾小呂夾鍾蓋日月所會在天而右轉

辰者日月所會也謂之辰

則會之時謂之次則會之所謂之宿以其宿於此謂之房以其集於此其寔一也

斗柄所建

在地而左旋轉雖殊而交錯貿見如表裏然故子

合于丑寅合於亥辰合於酉午合於未申合於巳戌

合於卯故大司樂奏黃鍾歌大呂以祀天神奏太簇

歌應鍾以祭地祇奏姑洗歌南呂以祀四望奏蕤賓

歌函鍾以祭山川奏夷則歌小呂以享先妣奏無射
歌夾鍾以享先祖皆即其所合者用之也唐之祭社
下奏太簇上歌黃鍾趙慎言曰太簇陽也位在寅應
鍾陰也位在亥故斗建亥則日月會於寅斗建寅則
日月會於亥是知聖人之制取合於陰陽歌奏之儀
用符於交會今之祭祀上下歌奏俱是陽律有乖古
法請改黃鍾為應鍾均此所謂知合聲也

李氏光地曰合辰之說以斗建交會左右相逢然天
運日行則有歲差則今不與古合矣蓋星日有差而

氣候之寒溫晷刻之長短則不差也故交子月之一日必與交丑月之一日同交寅月之一日必與交亥月之一日同其餘合辰無不皆然古以斗建合朔為說者亦謂至此一日則斗柄移宮而日月遷次故指此以為標識焉爾今既天與歲差而此說不可用則當明其意焉可也

又曰十二月之合氣候晷刻相似十二律之合則分寸長短懸殊何也曰十二月之合其氣候晷刻則同矣然而陰陽之消長進退豈可同乎哉律也者寫陽氣之消長者也故亥則陽消於外而寅則陽息於中蓋相應而相反雖相反而寔相應者也故比而合之陰陽之道乃備發歛之氣乃和律之有合也又豈與天地不相似哉

凡樂黃鍾為宮大呂為角太簇為徵應鍾為羽路鼓路

注人鬼則主
稷先奏是

之中奏之若樂九變則人鬼可得而禮矣注人鬼則主后稷先奏是

廟者案星經虛危主宗廟故為宗廟之宮也宗廟用九德之歌者以九德為政之具故特異天地之神宗廟不言時節者祫祭也但殷人祫于三時周禮惟用孟秋之月為之

薛氏李宣曰人道終于北而本統乎東北方玄武虛危有宗廟之象故享人鬼用亥子丑之律黃鍾大呂應鍾是也然不可違其本統也太族為徵

易氏祓曰享人鬼者以路鼓路鼗作之于始然後以陰竹之管龍門之琴瑟間歌于堂上又以禹九德之歌舜九磬之舞節樂于堂下蓋以路為人道之大九磬九德言后稷基于舜禹之世而奏之于宗廟者所以象王業之始也

蕙田案黃鍾為宮大呂為角太族為徵應鍾

為羽此四調各自為均非黃鍾一均兼此四聲蓋黃鍾為宮則黃鍾宮調也其起調畢曲之律即以黃鍾大呂為角則大呂角調也其起調畢曲之律則以仲呂太簇為徵則太簇徵調也其起調畢曲之律則以南呂應鍾為羽則應鍾羽調也其起調畢曲之律則以夷則蓋旋宮次序各以五聲六律求之則當之者名其調也鄭氏避之不用之說非是樂有

登歌有下管故郊特牲云歌者在上匏竹在下易氏乃謂以陰竹之管龍門之琴瑟間歌于堂上又以禹九德之歌舜九磬之舞節樂于堂下則是堂上亦有管堂下亦有歌豈其然乎稽之傳記合以路鼓路鼗陰竹之管為堂下之樂以龍門之琴瑟為堂上之樂堂上堂下更遞迭奏為間歌堂上堂下一時並奏為合樂九德之歌九磬之舞則合樂之事也

又案以上周廟享分用之樂 分樂有二一
則以合辰之樂分用之即上二條享先妣先
祖者是也一則以六代之樂分用之即此條
以九德之歌九磬之舞於宗廟之中奏之者
也分樂具此二義

鐘師掌金奏凡樂事以鍾鼓奏九夏

李氏光地曰金謂大鍾及鐸不編者也鐸比大鍾為
小比編鍾則大也金奏擊此鍾鐸以為奏樂之節也
鐘師擊鍾鐸鐸師擊鼓案杜子春鄭康成皆以九夏
為詩篇愚謂言歌又言奏者則有詩篇如騶虞鯉首

采蘋采芣是也言奏不言歌者則但如笙吹之類而無詩篇九夏是也杜鄭但以春秋傳肆夏文王鹿鳴並舉故斷為詩頌然既別言金奏工歌則二樂固有分矣

蕙田案李氏之言是也金奏鐘鼓交作既非所以和人聲若歌奏間作則又混于間歌是知金奏有奏而無歌也

鍾師掌金奏之歌

注謂主擊晉鼓以奏其鐘鐃也然則擊鐃者亦眡瞭疏鍾師不自擊鐃

使眡瞭擊之但擊金奏之鼓耳鼓人職云以晉鼓金奏金奏謂奏金金即鍾鐃以金為之故言金云眡瞭云樂作擊編鐘不言鐃鐃與鐘同類大小異耳既擊鍾明亦擊鐃故云亦眡瞭也

凡祭祀鼓其金奏之樂

疏金奏之樂者即八音是也亦以晉鼓鼓之

王氏與之曰金鐘聲也奏者所以擊其鐘也

陳氏樂書周人名官多以小見大故鑄師掌金奏之鼓謂之鑄師猶守廟祧謂之守祧典同律謂之典同也今夫細鈞有鐘無鑄昭其大也大鈞無鐘甚大有鑄鳴其細也細鈞角徵也必和之以大故有鐘無鑄大鈞宮商也必和之以細故有鑄則鑄小鐘也晉語左氏鄭伯嘉納魯之寶鑄晉人賂魯侯歌鐘二肆及

其鑄韋昭杜預皆以為小鐘言歌鐘及其鑄則鑄小鐘大可知鐘師掌金奏則大鐘也鑄師掌金奏則小鐘也鄭康成曰鑄如鐘而大孫炎郭璞釋爾雅大鐘謂之鑪鑪亦名鑄不亦失小大之辨乎許慎曰鑄鑄于之屬所以應鐘磬也於理或然鐘師掌金奏之鼓蓋有金而無鼓不足以作樂故鼓人掌六鼓四金之音聲而晉鼓鼓金奏居一焉然則鑄師掌金奏之鼓豈晉鼓歟

大司樂王出入則令奏王夏尸出入則令奏肆夏牲出

入則令奏昭夏

注三夏皆樂章名疏王出入者據前文大祭祀而言王出入謂王將祭祀初

入廟門及祭祀訖出廟門皆令奏王夏也尸出入謂尸初入廟門及祭祀訖出廟門皆令奏肆夏牲出入者謂二

灌後王出迎牲及燭肉與體其犬豕是牲出入皆令奏昭夏先言王次言尸後言牲者亦祭祀之次也又曰此

三夏即下文九夏皆是詩詩與樂為篇章故云樂章名也

鄭氏鏐曰說者以肆夏為時邁所謂肆于時夏允王保之是也王夏昭夏則無所考矣

王氏詳說曰九夏之名見于鐘師此特言三夏以三夏為九夏之大奏九夏者鐘師也令鐘師而奏三夏

者大師樂也自納夏而下則鐘師自奏矣

蕙田案安溪李氏謂金奏無詩篇當是註云
樂章或是奏而不歌也

又案以上周宗廟金奏之樂

右周廟享之樂



五禮通考卷七十